

摘藻堂四庫全書薈要

集部

欽定四庫全書薈要

集部

御定歷代賦彙補遺卷五

欽定四庫全書薈要卷一萬七千三百八十六

景部

御定歷代賦彙補遺卷五

都邑

帝京賦

有序

明顧起元

歲昭陽大荒落吳人顧起元以澤宮之役待闕下仰觀

帝京之盛高軼千古於都哉神駭目眴退而深維古昔  
涂歌之義聊擷謳謠謬攄鴻景夫長卿上林淫思百日  
太沖三都綴筆十年余伏在草莽無絲一覩金匱石室

之藏記遠惡於西京錄近慚於南部挹海未期揆天何  
有顧惟八風來於里街盛世所未嘗遺矧際昌辰穆玄  
流義豈後於擊壤哉昔班固張衡並賦兩京宏達爾雅  
追跡揚馬然或侈其宮室畋獵之盛指瑕為瑜或靡衍  
非事實詩人之賦麗以則何其爽歟文獻可徵用以揚  
國家萬年之庥若夫太平之虞娛如二子所稱引懼非  
所以軌世垂範茲未敢詳焉其詞曰

昔隆皇氏之麗九圍也剖玄黃繡陰陽析木之津拂尾

攢箕用攤絲於北方表碣石絡燕山枕居庸襟何涕耶  
鄰貞番夫餘左界穢貉朝鮮俛而跼中原測霄之圭  
步以豎亥土亥水盧按籍者千里神臯隩區是為玄冥  
之所都三五邈莫魁而顏而天効其真以合泰媪惟唐  
惟召是用錫履植菑於茲丹跳喜跼為羸弱姬炎精外  
鬯上谷是守典午變夷或躡而蹂魚脫於淵羯用什一  
以亢唐者八九石晉稚虜狼失其肩俾纓綏髦毳詩書  
任韎不耕而弋者垂五百年遼犇金腥元泚其�蒼狐

綏綏授余以期我高皇帝迺應天而順人進厥虎臣魏  
鄂曹衛宋穎涼黔命以殲賴輶褫犀比彼小戎之北伐  
俞兒祛衣以濟師厲焱介而墮雷轅闔不虜奔蛾伏自  
界乎條支爰建北平耦諸列蕃枯城載藥采攘其根揭  
肺腑而啓宇職外覃乎內尊桓我文皇罔弗帝眷戡大  
憝而回中樹玄旂而輦霆電曾不三載易王而皇綏成  
功於西北規萬祀而為量各因時以據會疇連蜷於故  
鄉雖彼粉榆實徂用荒彼岐山函谷縣周絡漢胡厥不

康而鎬與洛陽於是咨庶尹駝六飛謀輓輅諏筮龜啓  
天府焉奄宅蹕玄扈而臨之醫博鉅而爽閭坐堂皇而  
四馳印睎則天壽霧霑彈琴磨筭紅螺白馬空同蛾眉  
桃峪黍谷徐無盧師八陁橫截五華紛披峴岷巒岵  
壤庖擊菽藟罪裒熬密岷岷火不燹木石髓含魚或羸  
或畸啗函罔測頰挹則桑乾高粱金淀玉河海子雍奴  
琉離滹駝豸淫鬻沆漑宛渾紛苒周溥漾漭焉蟬螭  
冉鰕鰮鰕鮪鱣鯨捷鰭從鱗屬鼎滿羨稽古則督亢華

陽金臺銅馬駟飛於山鹿持於埜狐奴羽赤漁陽衣赭  
控烏丸與樓煩扼吭以臨天下提今則左環滄海右擁  
太行塹山堙谷岑銳建瓴扶風馮翊一緯一經參伐鼓  
駟而南指蚩尤嫉嫫而西傾爾其物產則北方之美筋  
角千石傳檄不弛黏膠不折虎巖鐵飛躍冶鑿安鷁鷁  
淬之剗兕崩駟厥產白金朱提慙珍琉璃玳瑁璆璠  
瑋雍伯所植琨瑤璿璫瑁琢章相罔致其事迺有庶纖  
稻梁黍稷三種垂芬四擾隱實苾苾幪幪或穎或粟魚



鹽桑棗士飫馬騰千樹之栗厥宇素封侔訾陸海不佃  
而豐被山緣隰紛溶幡灑馬鬣塵尾矚目鼠耳縻桑枰  
櫨丹漆文梓扶紓後楸或秣或麥布寫咲肝蜷曲櫨俛  
棟梁規萬摎纏伐倚煌煌扈扈不可婁紀玉衡之精果  
蓀是標王母金梨炎帝玉桃蓬萊杏酪嶂嶺棗膏魏郡  
林禽大宛葡萄紛運衰以茈虎酷餒溢乎醞醪陰萌陽  
芽有枿其榮雨露所濡無英不翹覲髮紛員遞芬回飈  
相彼溱洧魏紫姚黃金縷攜霜玉蛹晞陽瀛洲庾嶺摻

攏披昌薊丘之植軼彼汶篁若夫風胎雨鼓儻儻俟俟  
十慮抹角輝羣婪尾幽都之豹九文陽光之駝千里茄  
黃狴狴以趨趨玄模綏綏以盼睨還山集谷意而繩乚  
鴟撲刺以適迅馭佶伉而傴僂三目之鷗五工之鵠剛  
蟲擱然翼羽喔咿未若玄鵠決雲霧虬應表雜斯華聊  
金眸玉爪繭日馭而媒龍搏風輪而排鳥側愁胡之僇  
匹度吉疆之騷裊懿彼人靈幽并之翹翔實優繇少慮  
不雕勁骨衡閭勿蘭以佻風雅詠蕩六州所招若夫曼

睇橫波蛾眉揚清便翺羣約微睇傾城李文須搖以兀  
動綸袵戍削而赴聲紛紛袞袞與子目成跼蹐僂眉提  
旋所羸爾其探丸脫劒俠遊索耦知深勇沈介倪夷詬  
羊角烈夫左伯死友軻光漸離悲歌屠狗咎呀落薄曜  
目沈首唉郭樂之寡謀嗤衍辛乎何有載若擔簦躡屩  
相印夕綰獵犬既亨釜魚終免詩先匡以頤解書借羸  
以瞽諫秦代粵斧而披攘毛申忘茹而墨悞此則應侯  
之膝屢前茂陵之歎何晚也乾不殳符坤罔藥珍微今

勿創微往勿因爰召五鳩致役兆民雷動版築之杵水流少府之緡於是婁砥墨爾司植輸引繩番既力量徑輪脈袞直隆神居麗天色湯池灤淑雉堞截薛八區旣衍九門斯闢規垣樞於紫宮稽將作於營室然杉漂檣之材塞河閭海之質金碧丹漆之妍瓊瑤琬瑤之石被江纖隴不脛而集敦脈血拇以湊其植總羣才而效技於曜乾而燭坤滂若金閨之寺大荒兮又煜若赤燁之建南榮樹阿城之將將分豐修闕之嶸嶸上觚稜而矯

螭蚺兮切瓠甌而灼龍鱗星辰倬倬以宮帶兮龔若乎  
太一之威神金何類其如珪兮玉梁雌霓担橋而挺帝  
兮辟邪目眇動而躩踞乍玄飈鼓鬚鬚之散髻板圖鬚  
鬚頤以狔狔何中天儵靄靄之因显也銳銀闥閭幽輻  
屢屨櫟林檎櫨虹宛雞栖盤紆戢晉以相支持俯拓地  
梁仰協天維罪鬼習恍踰斐單迷詭文迴波菱杼沴抱  
淌游瀛渙芒繁曲撓潰虹窕櫨攀霄蹠霓精搖靡覽餘  
憚睽眊閼宮有洳太廟夾室龍旂大韜配天無極爰建

中土太社太稷五土攸殖靈星翼翼峙左右而鼎建耿  
中天之嶽立奉天靚撫乎帝車華蓋俯麗乎河魁文華  
崑崙於天市武英列施於少微文淵恢矣而東造五鳳  
鞞鞞而南飛莫不梁茄井藻栢杏楣芝螭蝓螭獲金鋪  
璇題瓊溢玢幽枅振閃尸赭紅葩而狎獵倒丹璫以陸  
離辟鏡熒煌於輦檐繩河環帶於玉墀駢駢紆喬駢兮  
清瀏岸峇葛鳥髯若舒蜺離婁赭翕絳以丹髹兮北垓  
崛岉魚頰而鳥睜於是徼以周廬表以井幹紫垣言言

摩霄拂漢西南其戶兩掖二華倉琅之根椒圖以稭宿  
兵仗以為衛辟朱戟而誰何路寢載闢篴簞燕閒泰寧  
象乾椒風發越莖若連蜷彩鷄雛雛乎東廂鸛雛雛  
乎中間擯虎賁以擢飾挹翡翠之華旃甲帳啓而黼幄  
張兮琇瑤合而阿錫捐步閭易以矚瞰兮眩彼金壁之  
駢田穢女問之七百陋後宮之三市爰有六局十一監  
俾姪娥充依巷伯涓人以修婦職供內事罔列屋而爭  
妍毋珥璫而貢侈瓊華之鵠太液漸之影娥瞻鵠兩臺

翼之承光納乎駿狼樂成柴乎明梁水龍攫拏園兔迷  
離葯房霍靡綠天參差破靄黠穿阬陜膠流孱顏縈青  
縹碧跼重繭而不任趾屢枳而幾齧轍乎危峻之特起  
屹不知其幾千萬歲也爰啓玄時以禋上帝日月星辰  
以璇七位瑤琨其閣琉璃碧砌亦有黃壇以御富媪河  
海岳瀆佐彼五神捍災禦患以為國楨權火臚驩贊蕭  
氤氲函蒙砰隱鬼趙神騰昀昀籍田鬱鬱蘭館黛郭朝  
引玉璽晨浣御總轄以九推衣青翟而三綰上陵美美



峰砥峻夷絡以總柏隱以金椎三選七遷之家珥貂執  
戟之師遊衣冠奉禴祠者駿奔走於歲時若迺庶府星  
羅百司櫛比秩稟周規曹開漢制三事六官紫綬綠盤  
奉常尚璽典客司隸執法納言冏伯廷尉中涓駙馬餐  
錢奉邑冠軍衛尉羽林虎賁之屬啓守寺建甲第高牙  
畫戟縑獵鱗次扶櫨重櫟廊乎其辨堂陞也金馬石渠  
虎觀鴻都著作之庭纓緹所儲蘭臺職於太史白虎典  
於諸儒鈎盾輯濯冗從散騎山郎黃頭釋官權市靡不

列肆而居分曹而肄嶮差次而旁蠡執相輶乎指臂少  
府水衡累鏹藏緡太倉之粟陳陳相因束芻總秸白粲  
鬼薪蘭錡迤夏五材用張公矛勁甲谿子中黃負蘭渠  
答擗畢縱橫沙苑百里紹繚周垣金粟隱飈玉臺造天  
駒駘山子歆秣其間阿房千仞徑廷陲墮昆侖朱儒角  
抵枝梧滇南之象轉輶其下春蒐秋獮收載事司馬  
之法耀吾軍士軀劉雞翹魚鬚豹尾期門飲飛材官緹  
騎六郡三河其麗不億中權後勁師干之試飛旆彗空

長轂雷地抑又漢壘之雄胡苑之利也紛彼靈囿絕若  
金仙苾芻羽衣列館勑壇蓋以百千秉神道以設教歷  
清微而叩上玄雖阿閼之一瞬鬱祇洹與優旃堞嶺隍  
壑駢市閭廛瓊宮寔產而鏡日浮圖鬱聿而刺天別有  
四夷之館蒙街攸植象胥舌人以通重譯高昌緬甸八  
百女直因是以奉爰閭陳玄歇明駝象馬碧盧江歷魚  
支鮫敲菌鶴翠翼日月天府歲時赤奕僊華夷而修穰  
奠丕基於磐石於是上乃進股肱之美若英若成若義

若攷往暨汝心以基予鄰畛包歲入天縣淵淪散皇明  
而燭冒閭突流并而銓無垠攔神明而定摹斧以之  
幹縈守成憲而拓坦垂景炎之炘炘於是紹天闡繹聖  
心殫法東方璇榜金鏡璿發滌聖域之蕪穢揭玄夜之  
日月返人性之流遁敷太素於玄德孔辟之藏秦坑之  
漸諸子苓奮其知舛馳啓天地之大全俾井窺蠡測釋  
夏蟲而陋醢雞昔天水氏之在御也衡元龜程御覽雖  
事侈於丹床而議挂於縹簡乃集羣彥要提玄纂披琅

函於岫嶁啓瑤繩於宛委規塊北洞神鬼繚繚唼齧扶  
輿倚靡金匱石室雲譎波詭於是樹閣臣以典璿璣正  
六卿以襄八輪稟淳和之淳鬱登羣生於太春鷹揚之  
校貔虎之羣隸以列衛統以五軍泰阿垂芒毋倒其鐔  
起亭障以禦胡列薊門而為九宿重兵以扞圍懼挹抃  
余左肘雲帆轉海若隱不虞恭襄浚濟以峙儲胥飛輓  
仰給銜舳趾艫玄流澤渤飈馳勿區東燭扶桑西耀垂  
榆南炯金潏北煜幽都土干淳泥蘇祿麻刺魚貫蹠殷

猱牽掄捫莫不望參搏揖響驚影接臚奏菜幣竭慶丹  
闕人靈叶天苞發銀甕溢白閭軋膚身馬蹄素文墨質  
或倚玉圓或湊殊域七十二代之君方斯蔑如也天下  
有道礧礧四隅天命不愆疇敢以愉平不肆險王用三  
驅帝下旬始魯台其臬螳拒鼃怒以馮天驕淇國左次  
殲我前茅乃六玉虬曳雲梢陳七萃虎衛之士三哲厥  
巢燠陰山南斗杓跂跂季犁黼遊魂虎謁是櫻睽眇  
童昏若英若黔跼距騰驤士檀檀斧蛾蛾以徵不王朱

縵白羽風櫛雨炊幾十餘霜卒剔鱗介而冠裳輟姬輶  
姒冶祁斧姚日嬪月隨朱車燭燎謹娶執齊兆人鐵螭  
紗縣九州而不寃者實惟九朝濠鋪鷺於淮濟振瑾蕙  
於弘石也先魁於淵曜劉趙鉤於躑躅吹壘導際雷鼓  
馳合靡不兕仆猊格角崩面縛拘蹠泮於沃焦徒蹙蹙  
而瀟率雖太寧失東勝徒兀良跳朶顏詭粟肩臂絀脣  
齒然傳烽舉燧匕戈衿甲虜巨於金元守亢於程李矧  
三輔之降胡潢池之赤子雖披髮而野祭間揭竿而中

起辛有絕歎於陸渾國氏無事於萑葦也繫二京之並  
峙振遐紐於姬周百寮萃從沆溶而星孛雲罕兮萬方  
漣沈澹灑以鱗集羽浮瀝澗汧渭惡茲海流嶠函邛崃  
峽嶧部婁彼歷祀於八百此胡不撫萬期而無憂派承  
森兮光明晞閭澤豐兮雨裔裔威之播兮神哉沛復隍  
戒兮苞桑繫有那居兮亘萬世皇皇乎丕天之大業疇  
其麗哉亂曰奔入於困回浮於玄神符來兮醫問作鎮  
獺養在數中區開兮崦岵豁大海蕩蕩河濟迴兮負



陰面陽提絳赤縣首埏垓兮殷賑輪囷躋躋輓斷網緼  
雷兮曜靈適皇神飈簸滅驅氛埃兮瓊宮肅肅豐涌旁  
魄覲紫微兮誅彼帝居焱回揚靈闕四扉兮案衍霍獲  
蹠蹠睜睜鴻晶輝兮坤靈寶勢蒼昊純殷奠崔嵬兮甘  
露珠綴玄醴泉涌賁物歸兮煌煌帝京天秩孔明苞符  
積兮茂世豐規麗宇建則聲靈奕兮甄陶國風榮鏡宇  
宙神漿溢兮華裔萃驩人神總祐時萬億兮上天之緯  
爾岡爾陵承松柏兮郊廓奠鼎本支百世永無極兮

北京賦

明錢幹

惟皇明之啓運太祖膺景命而龍興廓區宇於一統開  
萬世之太平會夷夏以朝貢迺定鼎於金陵北睠天府  
欲營神京肆聖皇之嗣歷宣重光而繼明八紘被乎德  
化九土藹乎仁聲六氣調而四時節百物遂而羣生寧  
撫盛世之熙洽運宸斷而經營建丕基於不拔實顯謨  
其是承按輿圖為幽冀之域驗天文在箕尾之星故其  
形勢之宏壯也左引齊魯前瞻伊洛右控晉代後負營

朔長河繞其襟帶雄關固其扃鎬石東峙而崢嶸恒  
山西來兮巘嶸元氣結於鴻濛榮光燭乎寥廓神臯與  
區茲乃天作於是導玉泉以迴縈屹金墉兮揮霍池隍  
溢夫玄波樓堞參兮碧落度景測日考卜揆時象法背  
陬徵能般倅奠崇基以正位構瓌材而究奇於是新宮  
禮殿儼乎中央應微垣兮建宸極考重室而規明堂御  
樓拱其翼翼禁闥闢而蔭蔭既婉蜺於東序復繇絡兮  
西廂糾蟠螭於玉碣架飛虹之繡梁應龍承隅以屬目

威鳳翊宇而騰蹕震震爚爚照輝乎日月夢夢列列倚  
薄乎昊蒼雲闕特起鬱乎巍巍天光翕輶於藻井霞彩  
煥爛兮芝楣金鋪耀其浴月璇題揭而承霓軼雲雨以  
上出盼河漢其下低曠平視於千里屹雄壓乎四維遠  
而望之類雙碣之對峙迫而仰之恍三階其可躋其下  
則陵丹陛敞彤墀開鳳掖樹鸞旗玉輅煒煜羽蓋祿襪  
周廬期門列戟欽飛於以壯國威於以宣皇儀引冠裳  
其肅穆垂劒佩而歲蕤貌萬殊其詭異語重譯而侏儻

咸稱臣以款附頻輿賁而來歸時朝會以黜陟厚燕享  
而懷綏此聖天子朝百辟撫四夷政令之由設而惠澤  
之所施也若乃大社堂堂清廟奕奕壇崇園丘田敷帝  
籍備法駕警清蹕離禁庭莅齋室颺楸燎以晶熒燔蕭  
鄉其芬苾廣樂鏗而隱轉麗陳舞其翕習儼對越其若  
臨祇禋薦而惟一謹禘祫以追遠秉耒耜以躬穡此聖  
天子享上帝徧羣秩尊神祖以達孝先兆民而戒佚也  
有嚴青宮有赫丹墀翼帝居以深沈直禁城而弘偉睦

藩翰於九族固本支兮百世內則武庫奧密鈴閣蔽虧  
迴隔風日高摩璧奎度祕籍兮充棟侍禁兵其如坻外  
則六卿之署五兵之府臺院駢羅監寺旁布當國鈞者  
臯夔參廟謨者方虎其苑囿也山聳蓬壺海環滄瀛佳  
菜夏煜芳為冬榮木連理於雙幹芝毓秀兮九莖彼祥  
禽與仁獸或文羽而奇形囿亭育於兩間效徵應於四  
靈其塵市也闐闐繩引甕宇櫛比人萃五方衢通九軌  
騎雜還而成行車駢闐兮挂轄凡陸產與川珍恒填郭

而溢肆會萬國以懋遷羅百貨而銜異至若橋門控地  
壁水環淵番番耆壽煒煒俊賢影衣纓其成雲浩竹帛  
兮若煙競儲才以待用頻養老而崇年別有元戎禁營  
列侯甲第家有犀渠門列蘭錡力可齊於賁育爵並聯  
於許史席世胄以耽榮盛軍容而揚武此規模之弘遠  
為京師之巨麗是皆聖天子順天應人居中圖治實作  
極於四方求貽謀於萬祀者也故宜致民庶以赴工感  
天地而召和膏露降而流液醴泉湧其成波景星騰輝

於霄漢卿雲煥彩於山河億兆悅豫臣良賡歌豈比夫  
誇子來於靈臺播民和於洛室尚紀詠於詩書流無窮  
之聲實幸落成於大壯共登歌於吉日瞻天顏而獻賦  
揚國美於無數繼以歌曰猗歟皇都居厥中兮鬱鬱宮  
闕何穹崇兮成之不日茲駿功兮啓之自天在宸衷兮  
四海九州此會同兮萬億斯年實祚隆兮

北都賦

明  
桑悅

聞北之為都宿屬於箕地名幽州神堯之聖域召公之



賢丘地勢累崇蹠蹠捋捋膊齊魯為柶綴趙遼作旒東  
阡迢迢而左達太行巍危而右道滌熒無涯峻峭莫儔  
天合其所人凝其績築城伊洺作都伊匹規乾準坤以  
究安宅五門環環千廬捫捫雙華嫵嫵丹闕頡頡峙以  
文武列以順掖東連宗廟西隳社稷南薰仁智前經後  
緯思善翼翼善左輔右弼奉天前迤斷斷特特若園倪之  
無極華蓋中莅鏘鏘磬磬若春盎之可即謹身後擁瓌  
瓌赫赫若混沌之未劃悉眴其桷悉扛其楹剡柱乳楣

巨纖枌塹櫺檻禁楸疎戚懣逆陽棲其正陰止其冥懸  
魚泚凜而下垂拒鵲嬉睥而上騰彼榴榴之雄梁夥崇  
壘而獨承羣材膺職渠渠乃成遊行之區爰營西苑泓  
以太液之澌澌峙以瓊華之死死池則汪洋漫衍漾潢  
潭沲淖以江離芙蓉點以芳藻綠荷含英吐華穠秘薰  
波島則巉巖磊砢弗鬱危綳太湖輸精武康貢英薄平  
泉而不即眇艮嶽而弗登乃築崇基殿以廣寒古柏十  
圍矮松百盤俯雙橋之千柱仰萬歲之層巒南牖之中

亭館縣延迷以綺錠複以粉智東南其戶寒暑攸偏涼  
登洗髓之域和躋浴沂之天惟南有囿釗釗媿媿臺名  
呼鷹歸則雲齊規以榴桓衛以危桎佳實累杈灌木垂  
楨幻靈芝之萑萑茁紫脫之萋萋蚊息蟬動鷲擊獮起  
或并命而比翼或兩額而三蹄以至大月一封之駝黃  
支獨角之犀昆明吐金之鳥三佛吞火之雞天山識樂  
之帝江哈烈弄毬之狻猊亦安薛公之鞠養受毛丘之  
羈縻環以靈沼劃以崇溪水禽淵魚隨方躍棲悉涵負

乎恩澤動濡爛而敷祈

南都賦

明 桑悅

明之南都宿分於斗職域於揚斗則日月之所佐祕五  
星之所乘營是謂天維揚則拓土畫疆卓犖兼并是謂  
地綱論大形勢桐柏之源東馳般汨揖濁濫而招沂泗  
者於此乎會岷山之支東累縣衍出庾嶺而包彭蠡者  
於此乎盡誠江海之都會也山林之總轄也而况口以  
三吳足以荆蜀八閩二廣可伸可縮堪輿之精盡於是

矣細論藩屏則天設雄塹表以鍾山楊以長江山則掩  
謫崔嵬翫歌陵翔表块礪盜火台鬼亢截葉墳兀追詭  
廉盪晴兮黨黨晦兮璋璋氣雲薄兮擬封秀靈挹兮可  
捫江則膠戾蛟毅砰湧便注丕虜瀕溢滫混澶決逢潯  
溶瀆洛洞渺荒淠兮格格允兮統統喜沍沍兮穆協怒  
趨趨兮讐閹均山惟榆丕江乃桑如韓孟之齊騁類楚  
漢之相當挾以石頭秦望之蔓麗帶以後湖元武之汪  
洋嶺一頡兮千熊羆浪一頡兮幾城隍欲纖摹其詭異

洵一挂而萬亡其洞則有華陽玉柱良常羅姑各有真  
府神切天竒門隄隄兮混沌未鑿室凋凋兮氣化馴剝  
丹崖甲乎連櫬翠壁貫乎稜觚其泉則有白乳一人玉  
兔喜客淒地籟之于于垂天紳之默默斂川后之津液  
菑山靈之骨脈雨或潮而驚驚風或響而噴噴其池則  
有覆杯石墨天淵蓮花昔人留兮指爪朽名潤兮無涯  
又有堤名太平堰名余家瀨名投金泓名丹砂九曲霹  
靂溝河澍粲芳草躍馬澗河清華又有田疇則黍稷咸

宜桑柘斯植水耕火耘風經雨織一犁鬚鬚兮斛粟半  
筐縹縹兮尺帛真中華之心而四方之極者也帝省山  
川可為皇據惟古帝王或命於陶或命於牧惟豐惟鎬  
文武是屋儲茲地髓以俟天牧於是役吳載柞命晉其  
耘宋齊為畚梁陳為斤其建金華赤烏玉燭重雲太極  
清暑之俵麗結綺永安之青鸞孰非先埽我金門之路  
清吾玉殿之塵也哉逮元脫紐宇宙沸轂閃茲地也鬱  
鬱葱葱暉暉煌煌增渥補泊銜紫浮緗虹經撮彩雲緯

成章旒兮若燭龍之燄裕兮類若木之光盪踞虎而將  
躍暈盤龍而欲翔其在山也硤谷就實危峰增鉅煜乎  
若巢金之欲彰其在水也漫汎氤氲逐泛滓揚灝乎若  
頽波之弄西陽裊窻瞻望而躑躅景純睥睨而周章非  
名都之將建而先發其祥耶

蜀都賦有序

明闕名

按蜀居帝議政之方王氣或流又帝會昌衍祥故山川  
甲天下而風謠表八都先是作者揚聲布美揚子雲左



太沖率擅芳韻顧鏤金刻玉不無遺輝王右軍每有餘  
慨洎陳承祚常道將志紀誣瑣且物換星移滄變桑更  
規昨律今烏能具據歲在戊戌小子侍家大夫叅知是  
土歷勝攬竒頗有興抱繆擬細響欲振洪鈞會家大夫  
新膺浙敕遽鼓枻東歸尋罹莊歌游以下泣抹杀觚翰  
越甲子又南征鍛翮冉冉冬徂趣覲明州頌椒獻歲樂  
有餘日爰理前緒漫成斯篇太沖言曰美物依本讚事  
宜實苟本實弗茂讚美何繇故茲山川土毛人倫謹俗

之概必根方志窮史乘華而核濫不浮矧有我祖鴻休  
今上駿烈與夫蜀氓幽思遐顙之情敢不稽首揚揮微  
詞貢風聊設巢棲處士懸弧先生互答以畢焉平子賦  
兩京追琢十稔今逾月卒就蕪穢可知匪曰彫篆或廣  
異聞云爾

有巢棲處士散髮蒼梧之野倏逢鵲冠鶴衣號懸弧先  
生者栩栩而來揖而前曰先生適道何方先生曰蜀處  
士曰蜀之敖樂乎先生曰樂何樂曰樂孔叵一言橐也

處士听然哂曰先生毋嗔乎燕趙秦晉吳越之區樂固  
有之蜀何樂之有側聞蜀道之難也難於登天鳥道哀  
飛羊腸仄穿曲磴危躋絕壑回遘灌林翳其鬱鬱蒲草  
蔚其芊芊枯松蟠壁以罩霧古藤糾澗而挂煙飛湍渙  
而瀆雪寒石礧其激泉啼猿哀切號鳥鳴咽虎牙蛇齒  
肉吮血鮮峰倒面觸崖虛蹠懸九水無人十山無天晝  
不火炊宵不廬眠眇一夫其隘立驚雄夫而失千車欲  
痛而再却馬亦虺而不前朱顏一去歸來白顛遠道之

人可嗟淚漣此土雖樂何如夙旋由斯以譚當令有聰  
者閱聽有明者翳瞻樂且茶矣何孔之云然懸弧先生  
方心羅玄覽之奇又耳悚齷齪之論軒軒有然其胃屹  
然曰子真然舉人之愁說閭曠士之豪觀乎走請抵掌  
之首其輻徐其轂恢其綱縷其目軌以古今之則度祇  
慮乾燥莫竟淆亂生瀆處士曰若然蒙願彌日下風焉  
於是懸弧先生掀髯箕踞容與而披曰探井絡之儲精  
登坤宮之列紀灼金經之偉圖壯玉壘之雄峙曰梁曰

益曰庸曰巴統囊於蜀崛乎莽哉蜀之為都何鉅而要  
麗而奇也萋閭澶漫而奠維靈塋垠靡迤而居特礧翹  
八埏以為脊屹九閼而豎髑髒辟幾四萬八千而荒廣  
袤括八千五百而邈跨赤躡神有崧惟陸撮其大區則  
左嵯以岷右崿以嶓分江剖漢合潛別沱萬嶽於是爭  
矗百流於是競波四瀆啓濬發之遠五嶽表南障之高  
爾乃褒斜列門靈關樹戶瞿塘叩峽固其藩青城劒閣  
壯其宇負三秦以為扞控兩荆以為羽屏禦乎西番之

羣阻域乎南詔之部衍中弘奧洵匪天府於東則魚復  
設隘偏割軫翼濫瀕象躔合川是塞鬼門百牢鐵山成  
棘白鹽赤甲童乎龍從日月埋光山峽如墉陽臺十二  
雲雨濛濛飛鳥避寒千丈凌空神女夢燼望夫成峰石  
鐘石柱寶源何隆三牛對馬讖亦未通曷魚石存曷羊  
天沖文之盛矣三字較工獨拔則樞光浮喜崇天城娥  
城龍鳳仙宮馬騰人立飛凰爪龍西龕塵絕真武翠重  
高大二梁並礪穹隆玉涎灑映噴霧垂虹龍脊虎鬚瀆

怒交攻水有三潮泉判雌雄仙骨丈長呵雷鼓風天神  
護璽怪呈灤東東西二灤瓜芋蔚荒十穴白井鹿化魚  
叢鼓囊滾地嗤彼劉封琵琶高揭野女音聰聖波所濡  
書解狡童夫子子貢占畢峽中爰有呂藏渺居雲際李  
埡崔嵬斬蠻風厲柏柱血飛舟眎塔濟兵匣誰藏魏梯  
誰制鼓宣八陣長蛇陰閉蹟踏石縷餘靈卜歲楚王春  
申池荒草翦細腰永安統歸白帝近進巴子池江城涯  
岷涪帶合括翕秀華塗山葱鬱夏后攸家卧龍接蓬瀛

之霧來鳳曳朝陽之霞踰越高引脂雲重壁遠凌劒花  
石獅踞雄龜停衝隘仙女睇賓四面瞰寨虎跳馬駿環  
堅衛介維君清濁宰官垂戒漏明騰光列花如畫北巖  
遊蘭玄風滌灑華桂吐英葛仙吸漚縉雲丹成黃帝已  
邁天池罷釣城留余玠純陽九煉范氏事怪木既成文  
石自剖界漁網得雙飛者何解又有平都方言陰主羊  
鳴鹿鳴悉歸諧譜特彼酉陽高屹南柱鑽天石尖獨勇  
莫拒鷹摩天圍百蠻斯撫若乃南渠駛涌渝綦泪流四



十八渡之淼淼七十二溪之漉漉五十八灘之磕磕二  
十五巖之颼颼或成几曲或成巴迺如丹如墨之淙瀉  
如銀如金之潏浮如魚如鹿之倩俐如龍如蛇之蜿蜒  
銅柱無底歇神有洲銅鑼不鳴月明如秋髣髴見狀勿  
語成愁摸石則男女卜探蟹而晴雨謀春秋與海通潮  
清濁與江接漚又如鳥銜僧衣注呈金泐雙釵下沉影  
翻金色銜萱銜蓮有鱗在減秤斗側懸為豐年則櫃中  
斧聲胡來洞裏碧瓜安得駭爾鏡臺仙姬時即婺婦多

金帝亦懷德灘城屈塔莫可悲憶別有狼狽野鄉構閣  
檻而藏息木葉記時絲竹弗識剛悍仍其風歌舞沿其  
式海棠有香是曰香國壤連巴西嘉陵環勝中翼以棗  
果山隆窟州名是初金泉朱鳳羽化遽遽二方延佛近  
皈清居鶴鳴天風樂振步虛南岷耽蓬並仙人之舊廬  
金粟儀隴軫接雲北花果蔓門樂亦何極惟姜及張八  
濛若翊穀城富寧宜為靈域有子辭行脩真果得梳裘  
誰遺高樓清逼石鼓石槌倚其器石織石船庀其飾石

龜首旋於冬夏所指可占乎稼穡鶴乘來而遂化羊叱  
去而遽匿溟漠維玄溟不可測又有金堆神闕長虹吸  
盂卦畫於砥條繫若縷金藏而泉碧泉飲而顏朱井可  
以療痛人何以信巫白氣時吐於磁孔之頂紫燄或放  
於金塼之隅浮屠永鎮於二邑聖燈散泛於五區既出  
於有亦入於無是以充國城前安漢城後天隱人英遺  
墟錯繡巷陌恬熙東郊迎富臺存讀書之遺樓仍萬卷  
之舊公侯應於漣洲科首決於灘吼賓人夙號剽勇今

亦武左而文右於南則郡開捷為古稱曰轅都江左洄  
馬湖前湜背鑠鐵崖面流水黑七星仙侶布列崢嶸大  
漏小漏雨霖時傾登高天倉城臺舊營飄飄師來脩止  
脩行銀有朱提乳從峰生夷牢事社域以石城望淩雲  
與祿來並龍馬而交榮大龜乍出小龜合鳴五龜呈兆  
總兆文明維祥維慶多產蘭英符葉如篆蓋穴異莖龍  
透雲臺磨角可驚漢陽峻峙流漢師之威聲其中則金  
川台曜顯輝石門鳴鐘奏響南廣經豕峨之深青衣表

崩角之廣貞婦湧儀君子著象乞子神於應孝子逸於  
養龍女依井而乍坐龍翁尋溪而獨往神馬鳴躍於澄  
淵天倉沙塞而知穰鴛鴦圻上有烈足仰於是松嶺風  
清桃源春霽海棠芙蓉池洞爭麗槐子樓臺水簾溶瀾  
西湖西疇何遊裾之弗曳惟近蠻口惡淚慄慄閤盤梯  
旋霞菁迷草蠻夷暮春遠眺皆獠山都水都羣鷺以標  
凌霄谷聚都都穴保宜架砲與摩旗憑角端而一埽欽  
我武之維揚振九絲以如豪耀武修文俗尚一道光姜

屯與武塔闡王風於灝灝左撫江陽邊絕巴疆有寶作  
鎮南壽齊方瑞鹿玉蟾神臂昂昂文鳳雙翥文光孔揚  
蓉葉吟秋樂爾天堂仙棋仙魚暢八洞其清芳二龍眠  
雲連天高翔築成見龜道成聞羊安遠掇旗天兵用張  
爾乃瀘合蕩蕩海觀茫茫資支思悅砭八湯湯宋縣納  
安輶軋洋洋九曲同之清澄濫觴馬入潭底龍卧石旁  
思娥結髓煉丹紫房汪童誦於先巖唐子吟於雲鄉輪  
帆輻輳燦焉其物章右達龍湖楚侯是附乃捷乃祥漢

方受度赤崖寶屏障懸藩布金庭玉鏡居要守固書樓  
拂蒼青孤籠霧草何毒其封口雷且應而不敢吐木何  
其自行夜劈石而歸夷路龍馬戲赤白而深潛楚魚畏  
玄黃而易沂沐川如沐人之起坐鼓崖如銅鼓之方鑄  
三公什泥千澗分注魚鹿鳳龍百壑皆赴嶽巖纚聯深  
箐蒨施半習侏僂之素而賴因之鄉煙草茫然氈毼駢  
駢駢駢其驚轉詣眉山犍域斯廓抱陽環通倚錦覲洛九  
頂高標屹其區九龍聖岡隱其郭海棠烏尤芬芳盤錯

蓮花青衣金翠絲絡燈開曰可卜年黎啗曰可勿藥龍  
門隴定神樓仙閣三峨壘其歲魄礪芙蓉之秀削闕四  
十餘洞之幽玄構七十三穴之冥冥閱百十二丈龕之  
嶢嶢阨四十八盤之磅礴伏羲女媧有跡其廬鬼谷葛  
由厥茲桓躍雷神有司風雨可愕光迴攝身神自周博  
伏龜與沈犀共寧丈人並兩母交搏簾鉤上金粟落阿  
叱鳴金釜灼三榮盤紆人精咸托八面九勝難窮窄夢  
若乃峰月嶺雪崖佛洞仙風雲飄結朝霞高塞治易爛



柯嶽接洞天大渡羅目決其河洪榮東秦淪其川三雙  
花玉潔其沸天青夷泥濺其漩蟄頤三鶴漱其瀨八封  
瀑布澈其涓鬱鬱姑姑明復千年硫黃香澈古磬幽縣  
殘墨染魚跋馬飛淵怪竹中之兒啼乃夜郎而斯傳歌  
風胡為乎來一嘯妙於自然呼應莫即其影清音祇誦  
其篇斯山水之孤絕而豪俊其褊褊延接齊通總隸捷  
境蟄頤融春玻璃瀉景迢遞峨嵋實維方屏龜旋鼈立  
龍蟠虎炳南瞻大旺快活而靜臨池有法筆峰用警金

華北平燈燈何罔飄然龍鵠塵心自冷天社打鼻靡威  
不騁象耳何雄熊耳亦猛九洞之懸榻已玄三巖之樹  
筍尤憬木鐰擊而峰開梵唄流而龍省或得壽於一觴  
或同仙於斯井若乃松醴濛金之潰泓爾家夷郎之沈  
漾雙環青赤魚泔澎盪老媪磨杵以示堅老人現蟹而  
留相龍繫於橋魚喚於浪石倉產米醴泉除瘴猪女何  
來井翁何放沈津葬魚已矣殞元鹽馬何壯老駕在梁  
彭宅在曠吳巖墨晃蓮池自邕學士芸芸天章久唱三

不失古節崇名尚秀清攸聚為膏腴上旁極臨邛方列  
維雍竦頂仰西使之高節鶴鳴訪廣陵之霞蹤相臺想  
仙令之擅鑑長秋快道薄之易逢盤陀景吳師之旨銅  
官偉帝賜之濃牙潛泉濮于邛惟深井飛鱖而無灰水  
似酒之較醲羊啗石而成妖牛飲金其何從氣與洞應  
洞隨氣封鴛鴦銜花片葉不容王孫何往金穴棲農翠  
屏點易慕學有宗獠風不將而敏慧詎風物之雜鍾逸  
究嚴道半餘楚族蔡蒙是鎮旅平惟速懸空百丈雅安

羣谷靈通石鉢蓮為瓦屋大關百步入夷臨陸相公臨  
孟擒縱在目九折知漢臣之忠孝曉經來唐僧於身毒  
平羌滇渺青瀆洄瀆周公榮聖盤盞湧伏菩薩老君沕  
迭奔逐惟雅多雷雨從洞觸繩索梁危飛仙闕肅飛水  
紫眼斯界荒服於北有纏次參背廣漠是聞浥於左抱  
中於右回龍頂牛頭惟坻則巍嶸嶸五層靈印之臺玉  
屏獨坐金紫高恢女徒依叔樓鼓如雷玄武蛇從石出  
覆舟颺自穴來火烽烽息銅官銅灰寶臺長樂玉堂特

隗怪哉雙鶴喚爾仙才羨明月與清風呀赤城與蓬萊  
鐵峰倚雲鰲魚曝腮大婆小婆望七盤而駐驂于是飛  
馬有巖見龍有穴鄴瀾射勝梓波雜瀟鳳鱗桃鵝放生  
自屑倒朱揚赤岳安並決波透石以中分火沸波而弗  
熱池崩筆而成墨樹化龍而遽折文有家而神昭木名  
鄉而獨揭讀書橫琴臺石苔齧曰肝斯剖臺崇有岳乃  
劒外之一都土沃而人傑廣攬巴閬八輔之鄙礮礮塊  
北棧道律起爾其後擁繖蓋前列錦屏帶以蟠龍通以

仙靈印斗玉臺燦瓘如星文城天目道達玄冥嶸雲臺  
之巔屹挹天柱於太清松根蟠桃如春麻姑芙蓉長馨  
峻仙東引平仙西迎曳蘭登與白鹿並蛻骨而化翎龍  
門龍樓尊尊葱青東西南北四龕亭亭大巴光小巴嵒  
金榜爍天榜熒九曲阨七曲陁若大劒之巒岑胡雙闕  
之崢崢彼小劒之嶮刺又胡閣之如橫雁門惟孤雁之  
容征馬閣雖束馬而弗寧七盤嶺之堀礪十二峰之娉  
婷白雲鳳詔之豁開朝天漫天之嶮溟崩劣嶮崢于

匪嶢痛五婦之不起悲葛巔之遺營憶兩角之疲追涕  
王望而淒清若乃黛玉江如巴流學字清白濱沅南西  
紛泌曲肘揚帆汨乎洶淠龍躍祥而留蹤虎有聲而為  
瑞金劍化而如虹玉鞭獲其何自丹浴變鱗錫卓湧地  
鱗觸則雷鼓鼓擊則雨至仙羊嬉於木下玉女寂於房  
閤母讐泄而來遊欽梓潼之逾異又有擊甌敵萬憑眺  
輝煌堂有將相亭有滕王占星避星藥竈仙香風占五  
城之色景擅十二樓之光嶠嶢四集其險莫當惟磽且

确衝益於梁是曰北門曰外戶扼其背而控其吭沿盡  
陰平氏羌巖窾五關隱轡六閣虛眴峭壁雲棧四望幽  
窈崆峒襄其岸石門峻其表鎮南陽開火風陰繚醍醐  
濕滌涪濤浩漾清白木火其溲澥古官高大其漫渺牛  
羊羣馬以盤紆鳳龍偕豹而天矯藥從氣馨菁青色貌  
弩牙鰐觚左擔欹倒三峰九嶺連天柱而縹緲君子其  
昂仙女其眺蒼頭峰蒼雪峰頭皦丁平老君大雄斯嶢  
天蒼有麵貯之點燈有炬之燎牀挂宛如龍眠石懸則



如鏡皎橋自天成案同玉晶竇圖真人幽居石紐神聖  
斯兆禹穴可探匡臺可攷何質勁之弗渝而羊鋒刀弩  
之是寶昔從周師今也休紹寶珠赤珠封域有塚復士  
永平壩底暨大印睢水之區咸藩衛而安保十村八村  
之平化聿狃狃於白草乃白馬於木瓜並搖尾於一飽  
高基磨磨不仰沫而馴獲於西則汶山薛城冉駝舊黎  
中藏六夷九羌七氏鴻濛撐其柱高碣列其題七盤嶽  
巖九子帶霓雪峰皚皚春夏長迷玉壘標別風雲時淒

鷹門棲鷹雞宗聞雞慈母瞻峨嵋而近巨人望唐帽而  
低定廉裕民相公天齊若列鵝羊膊之墟岷江於是而  
決六六之聖既為疏馬首之神何其烈玉輪潏萍平谷  
混泄蒲桃清楚龍沱澄洌惟樓櫓之未張莽鹿角而橫  
結彎弓駕馬如腥嗜獵樹誓埋婢加耒刺血鏗繩虛滄  
花崖赤水其懸截城曰無憂而桃關其焉絕爾則達蠶  
陵羶風闕犂牛駐汶翼活排柵衝雲峰豁環石礫蹂皮  
褐生熟殊戶七路傾軋已豬驕牛尾刺黑苦猛曲山桀

韓胡恣草坡點麻麥轉桃厯勒雙列白繖青板孟梁梭  
雜魯魯九龍卜木星月竹寺之徒么麼莫詰驅則黑匿  
縱則陽劫賚之食之魚不厭獺詎疊溪寧靜希逢隴木  
打喇之能撻又何雜谷達思寒水金川與加渴折入古  
松凝肅實多瞻雪欄坐洮河金蓬牛高則那兩分水胡  
透迤洞吐風氣難呵霜暑飛雪夏蟠萬仞流丹鐵索橫  
拏雞籠房布陵阿三舍葉堂連穴鎮平歸化接窠小河  
漳臘叢窟平番寒盼集窩牛腦伊羊腦安達伊白麻牛

金  
毛以撫羊毛以摩水牛野豬乃鬼乃魔癖如毛吻音鴿

木樹信勝占瘡搗空石路錢科奔突煙飲必配人命抱  
脚佯索惟娑蜂招蟻引先為傳國烏逐河湟護羌是搗  
黃勝敵貢之微永火克喫且譚賺坑品列輕騎突駝鎮  
虜十三關如之何南出六番蠻獠斯軫胡北連河西引  
龍於鳳雲頂準玉堡墮泥阪潤功則多帝力盡卧且鎮  
漢威愍女壘城威亦北將軍蛇老仙賞五姓老人自慙  
癡絕棧懸棲娛其蠹碣城題二十六種之佈冷磧破四

十八寨之獠西腰乎鳥思天竺大小西天他他井井蹶  
矣乎大乘法王大寶法王依稀上方乃闡教王輔教王  
護教王惴惴諸天妙境崑崙勿岡而眴近沈黎笮都畔  
三面虛憑絕岸二十四盤卽峽有研錦蛇欲躍將軍可  
憚紫府飛霞神君灑翰鐘色靈蓋光煥風生崖生何憚  
石髓融仙窩燦天欲參嵐攸竄牀竈具竄亦玩飛水斯  
絕飛越斯扞玉斧所臨大渡斯判琴音闋梵音散渥洼  
湛神駿絆風雨希楠龍灌凜夜义形如盱五丈黎法殊

患憂彼獮曷所衍鬼其風都鬼主於是按松坪有馬七  
枝是鞞曰大小赤口曰大小木瓜均就羈而莫驛瞥逸  
瞥閑仍旄牛青衣之半奧透邛都乃稱越舊阿露盤紆  
小相鬱壘呂金伏天王起螺髻撈鹿角抵青涼對東涼  
晉木托銳旄牛膠白土澗白沙時浮石呈公母峙鐘如  
瓊魚戴錡異斯邛池帝君載止血蛇吸馬迂而匪詭騾  
卧有痕帝筆則哆乃憑懷寧乃度越舊清溪滲淚長河  
迤邐梁孫匄匄納夷奔駛沫若頽溶瀘水漫瀾蒸熱騰

煙燭雞爛髓冬奚匪汗夏可渡只度索尋橦窄亦傾矣  
銅槽鐵斂之口清關周嘴之埃惟烏白脫蘇是蔓又猱  
猱九種是拖而西番而撻子而伯夷而摩娑而猱獬

原本

字關二而徊徊漁人厥類有獬赤足垢顏短衣皮履或黑

帕白巾裹布為飾或鼠酢蟲湯鹽肝為旨或盤騎鋪松  
火刺為歡或羊胎雞骨牛肘為祉或布袋木甬豬脰為  
斂或羊毛柏枝草根為祀以皮帶為饑飽索以潑水為  
婚姻禮赤睛黃面夜幻犬豕竊嘴尸肉鬼彼撲使所云

不毛孟風其煽而獠郡有以乃平夷歸化天威克底局  
黑骨普雄月落無犬嗥而羊咩於是沿西訖南滇黔薄  
楚繡脚雕題依深間阻有烏蒙竇甸險峻增倍蜀道掩  
涼頂肅雪峰險鐵鑪燄我未剡朴窩夷博特儼撒途鞠  
金沙激羅獠夷架棚广娶擊齒口安噤交舉帽禮匪詔  
阿統之所由苒彼東川那札立牛鼓填豬額解白婆拱  
七雄坂睇大王雲弄爰夜有人胡不韞黑水吸牛欄入  
烏蠻饒白蠻急呼以閤板屋蟄曳革鞮頂氍笠割其鬚



尖中翊罵彈之所由習繫巴的兀姑麼兩徒蜀百盤跛  
大隱崦烏門珂翠屏森石洞珂渡有七渡曰可九十九  
渡宜叵族麀配配亦左病不療神安妥阿蒙之所由簸  
尋芒部大雄徑入崎嶇上蹭蹬硤砌橫綽紐徑烏通翹  
樂安塏苴斗潤納沖應勿食渭白水亘白鳥疾托諾寧  
勁而朴遐荒孕壠畝皇粉黛聲鼠街趨子日勝統子之  
所由定咤永寧九姓者巢窠有寨不近賈垂其髻跣而野  
鋤鍤餘弩弓把四面翠如屏厦馬口嚙紅崖赭土保營

海漫跨木案虜匹絹多烏降攢西珠夸雪巖琳青龍閣  
水東洋赤水灑通江湯漁漕瀉是祖叱來彌所據乎蘭  
也嘻播州郎蘭沕熨西交牂面逮溪洞曠澗林隼幹壩  
右拒三渡左回烏江截前石虎阻背白田中僑海龍肘  
駝重壘複關顧瞻晻曖定軍嶠錦屏藹鳳龍睨豹馬睺  
拱辰環萬丈駮筆架嵯梯子殆兩盆參紫霄夢桃源邃  
櫃巖閼湘仁洪統烏匯落涓郎郡安瀾虎鼈思並蓉潰  
染我華風郁彼夷采鋒刃勿屏漢服顧愛媻媻銅器有

儀集賓橫笛斯在五司為輿七姓為載楊太師威德之  
是又窺石柱夜郎雲瀕荆湘均柯罨諸洞盤毗安場馬  
頭叩飛鳳翔兩崖穿萬聚市傘布塞鼓樓鞞清潭瑩三  
江合石磽土瘠蠻巴是選大蟲虎什銅牌攸聞至酉陽  
亦將龍黔彭鄰五溪涌火龍升酉陽簪唐何泯巴臨翠  
三江岫楠疊洶漣漣呼飲足簪麵化石餅足簪花布服  
長刀踊寒伏崖燠獵隴券以木姻世寵口十二里忠孝  
戶九溪十八洞之苗種厥種惟三冉家維拱暉邑梅酉

居坎城山黯轉音慘壽靈對孽閭鑿三鼎簇丈韭噉挾  
黃牛膏腴感地澄搖凱過撼木浪白白胡慘苦蒿鹽鹽  
胡啖姻畜較疾祝侯溪洞扼要斯佛鄉之為黥究平茶  
則黔據團秀特岑仰踞雪符稔百歲著牀粟挂侯英翁  
溪尚盈哨聲遽捕獵心侏離語穀炕然殯唱助曰南客  
古難御而荒甸此焉悲禦於是四維聿肅列屏攸張成  
都中起境宇是皇爾乃從太少之峻垣俯八百之沃壤  
開芙蓉年馬之麗秀耀太玄錦官之巍敞武擔巖巖負

其雄汶流消溷環其廣浣花濯錦宏其規駟馬萬里逞  
其象按中區其曠恢橫八眺其壇爽昇仙並天回較鬱  
威鳳與龍華競騰六對觸西面而起鐵鑪指應天而升  
二脊對九頭而聳三門向三學而弘赤岸光接於繁麗  
大塔輝吐乎聖燈三嵎勢連於鼎印金車抱玉屏而凌  
瑞雲香雲崛崎石矩佛巖幾層鳳笏秀立井鑊神登苑  
香鐵銳石鼓戎憑磨王雄據玉女乳澄雙湘棲乎金鵝  
兩室會以仙朋盤龍中國可景重龍君子有稱柏茂霄

卓玉京雲蒸天台四明峰景是徵將軍威峰武攸振書  
臺華萼文聿興異鐸影之迭流與晦朔而相仍至夫灌  
口既疏離堆沫格便傍分華夷之眼靈巖樹風雲之宅  
聖母多仙會之所丈人為五嶽之伯天門天關崆以峴  
天國天倉出其闢三十六倉衍而嵒七十二候通其隙  
若焉八洞八節相繹第一青峰靈以靈五洞天兮胡焱  
焱隴九壘以弘敷景一朝而屢易葛瓚去以餘名陶朱  
仙而留迹大隋甲於西中隋特其白三面回九頂迫慨

龍安於鐵砧悲馬金與雞碧何麋鹿以成市突玃獬而  
色憚稠稷平蓋其僊宮鶴鳴平岡其道客大蓬小蓬蓬  
鳧是藉龍角龍居龍光是奕什邡侈雍齒之榮鄧通擅  
銅官之澤庚除顯樓臺之幻武都化王妃之魄龜決勝  
於牙旗猿樹門而如戟水岬可溢而可乾章洞風旋而  
火赫春氣迎於浮中磬聲聞於磬石獸目啟而名清牡  
丹開而麓赤大霍洞奧於龍潛大匡頭鰭於仙謫靈堂  
毓天師之神寶圖化金丹之液誠富樂之可賞宜快飲

於疇昔若乃都沱大皂之潢淪三郛九曲之回漂中資  
湔沫之疊糾石沙馬鄆之遠繚光以珠煜味以酒起羅  
以紋合雁以金嘹清白見志之濯濯廉讓著節於昭昭  
衣浣而百花散穴起而柳葉飄箭三發而河湧拳一擊  
而泉搖飲毘羅於摩訶通王氣於瓊淘肇七星八角之  
勝厭九宮三台之妖聖神靈孝子應妙萬歲千秋之利  
饒章亥疑弗步杳窅安所躋於是叶其鄙鄙之殷城府  
之寶土美風華三吳甲乙野則原塿翼翼漣淪汙汙堤



脰繩曲畛啜錯紘宸隆菑畝膏衍腴墳引都堰以周灌  
疏二渠其繽紛葱蔕黛耜載耔以耘冬稼夏穡種莠攸  
分揚條布穗垂穎鋪菜柘芋如墉稷黍如雲雨順土濡  
日煦風薰爰銍爰耨勞餉勤爰登於場婦子以欣熟  
薦爾祖有飫其醞穀嘉酒旨父母融融輸征貢賦用佐  
國軍有魚有稻凶不失羣茨椽枳籬三五為鄰夕編乎  
華旦葺於宸採桑筐繭繰絲理純組以虎薦齒以猩猩  
緝麻綰絮縈縷密紉粟朽布餘盈箱羨困雖乏國富亦

鮮罄貧衣冠貌古盆勺意醇比宇相友載稱相親駕牛  
鞍馬招姪訪姻蠶國有歌匪風維幽維哲維又搜丘索  
典匪林獵不裁匪法玄不翦童誦師絃龍譚天辯握輶  
飛觚蚪文蝸篆圭竇繩樞性繕理闡破藩釋蹄挾微披  
顯摛藻揆葩雲舒霞卷乘明邁昌龍驤虎變維健維豪  
肘鞬腰鞘習胸臆之捷步濮賓之票秋獮春蒐淵聚林  
哨攔罫設罽鷗鷖眺張罝結麗縻趣兔起直髮狂趨  
墮冠疾詔驅狡盧鞭烈驃逐兩肩發隼鷁蹂蒙茸遑翟

蓼放弋絲下餌釣鱣茲鵠嘶鶴叫眊耒肫燔茅燎  
野火炎巖谷耀盈韜滿載款賓獻廟咆哮獬豸攢  
嘯驍悍自恣快爾年少市則郭郭四匝巍雉接陴開以  
九市經以十達連闌帶閭閻以傑池夾街曲隧橫驅直  
馳旗亭迢揭塵閑委蛇肆門邸戶充牣櫛栳惟卓氏是  
術惟程翁是儀褰蹠赤仄厚挾高貲翔貴徵賤競巧鬪  
時二月惟望蠶市之遺月有十二市各有期方物畢陳  
土珎咸披爾乃飛走鱗介之品食飲服御之宜木果花

竹之屬藥草瑰珍之奇藏異域所不藏資中土所必資  
果則桴桃檇栗蒲桃餘柑橘柚松棗紫梨黃柑君遷如  
妳給客有甘荔枝紅顙豔妃所耽王廖綠容如何則貪  
不花而實玄說優曇木則羅紋羅漢紫漆買子黃閣香  
椶樟思楠杞馬尾羊尾交讓連理茂欉吟風赤杉比雉  
惟珍則楠鐵頭拐子香杉闢柏棟梁是倚花則酴醾巖  
景蕭牆翦羅四色木蓮五色紗羅豔膩爛映錦綴高柯  
鳳尾竹石葉上素和有繁山礬皎如玉嗟牡丹千丈洛

陽並嘉紫英的的長樂名姝海棠心馥伊蘭侑它鬢嬌  
髮華陽麗婀娜聞曲則舞美人則傴竹則有梭有桃鳳  
尾龍頭月茂慈脩斑有花斑青黃紫白厥苦殊抽篴稱  
防露戕利如矛嬋娟籠煙相思淡幽冠者惟筇大多輕  
柔藥則國老天南昔邪昌陽鼠姑會及卽子陵郎連及  
示姑陳知黃良周麻雀羅天花餘糧顛勒思仙百倍膠  
香乾歸房圖百蜚天雄王連厚皮黃斤救窮常山仙茅  
牽牛木通鬱金金星巴菽槿穹紫背龍牙太一玄精金

毛狗脊王不留行骨碎補巴戟天補骨脂威靈仙郭使  
君子名以兒播護羌使者不風而顛凝水而飽硝石永  
年隔河成金文章欲仙岐黃有未品倉扁有未研飛則  
錦雞馬雞白雉鳴孔翠子雋白鵬言鳥念成舍利佛  
性自曉漢不入蠻語亮心悄飲歎哉秦吉了走則羚羊  
香麝犀象獐猴狔猪香猪犂牛犏牛熊羆猛氏獐豹騏  
騮名猫玄獺竹狸竹鼯吃鐵氣充噬毒聲呦雪吠日吠  
叫窳之孺怪有驅氓人質虎彪鱗介則鯉鰈鰭鮓鮓鮓

丙穴佳斯魚舅鯉如兒咽黑頭鐵頭嘉則稱拙白蟹文  
龜鳴黿命鼈應鼓龍靈穿山蟲烈食飲則天師之栗枕  
榔之麵青稞野春香稻芳薦郛筒鵝兒良醞斯宴釀花  
釀深引藤攸醺蒙峨獸烏春茗團片黑白井鹽囊升筒  
轉井油井火積陽所煉菜有萼綠筍有苦紫辛香匹桂  
百尺艾子蔗霜白蠶酥油丹椒細條之嫩獨木之葱將  
蒟醬而侈服御則絳葛攢絲氎衫統裙毳毼毛毼毼毼  
縐縑麕皮斑布槿花綃紋織麗惟錦霞綠氤氲花竹涼

簞蘇薰暖席楮紙粉箋薛濤蓉滑蠻箋品十霞箋韻百  
松花金沙學士名蹟光涵寶硯牛溪之磧白玉花蕊玩  
且疑壁陽射彩流放光神石松屏鋪繪適然天盡奇有  
節節靈壽並策策多桃枝桃笙則澤酒注竹根杯剖桃  
核紉簪輕盈金輝玉奕銅鼓雷轟諸葛是赫又有銅鬻  
大王寶藉行高雅爵神物莫格瑰珍則礦鐵穴銅鑠銀  
麩金黑鉛白錫草節引鍼二碌四青曾青空青琥珀瑕  
英淵含石醞不可殫名於中則巨族名家高門華閥飛



閣層樓崇觀丹闕東第鱗朐甲舍嶢岼畫棟雕楹鏤雲  
藻出浮柱鬼峨重巒爰業食鼎坐茵鐘鳴鼓伐珠箔繡  
幃綺幃瑤榻通函接局目眩心惚若乃王居之壯帝胄  
之尊彤庭瓊厦碧瓦丹垣承運啓殿金水環闔禮仁智  
義弘擴四門鋪金鑰玉祀琇璣璫飾以瑤壁鑲以銀鋌  
績以蛟螭文以鸞鵠檐獸斜逐桷禽高騫離宮別館星  
星鱗鱗沼瞰南苑榭睇北園迎風繡檻嘯月華軒林葉  
菁蔥花鳥翩翩舞歌嘑呶簫管譁誼瓌瑋雄麗是稱首

藩蜀秀才皇之宜崇且蕃至其莅庭官署瑤宮片學啓  
禮殿石室以重輝披聖圖賢象而再爍臨以神明迪以  
仙覺秩秩紀常莘莘禮樂水鑑冰簾青氍絳幄詠詩說  
書古商今權贊宣流化揚激清濁簾鉉鐘磬階靜敲朴  
挽澆追醇斲雕還樸訟簡刑清歌雍舞箭風尚質文政  
稱茂卓士俊吏良濡涵露渥又其梵宇琳宮之靡蕊珠  
丹玉之盛金碧焜煌琉璃掩映大慈昭覺法除垢淨玉  
局青羊教彰清靜座著老君牙傳佛聖降獅伏象超悟

心性水火風雷救厄度命三煉還空五戒持行開緣疏  
業祈麻衍慶婆婆姨婆塞頂禮陳敬羽衣羽客趺坐嘿證  
洞府禪叢千兼萬併又其奇蹟勝概古址遺墟流眺無  
窮可景可墟則有參來友東之閣錦雪壽邊之樓卿雲  
謫仙之宅君平子淵之丘草堂之雅花亭之幽墨池注  
草琴臺鳴秋卜肆塵埋酒墟香浮老人漁父村里悠悠  
文君花蕊吟邊各愁石鏡石筍長沒松楸石門石闕烏  
咏蟲啾石婦石姥寒雲不收石屏石人人鬼共謀適則

銅羊恨則石牛卦錢通顯校書波瀾妃墮女誓池上風  
颺他若八陣開則驚砂石五塊動則興雲雨天牙摘星  
辰之精支機來銀漢之澣皆神變之偶形詎象器之可  
覩於是芳辰禊候風靄蘭皋商賈逸豫士女翔翺選勝  
覓幽臨深登高靚妝垂髻揮鞭躍驚纖羅霧縠柔漿蕩  
舸問寺尋觀濟城萍濠攜壺提榼芳饌香醪士曰近柳  
女曰依桃呼盧博塞解衣換袍阡陌繹續踟而杳遭日  
昏不返一醉惟醺前於隨唱謳和詞騷有遨頭之先鼓

何羣國之不遨國饒民斯暇上寬下不勞匪斯世世陶  
其所陶蓋遡蜀之肇基也自谷口允人皇祗車之駕蜀  
山充黃帝子意之宮爰冊帝嚳之支庶遂世有侯土而  
擅雄沐西伯之餘化繫從牧誓以羌髡弘數十世之累  
積俶王大於蠶叢最蠶叢之國國於瞿上衣青衣以莅治  
課農桑以導養屆柏灌以泉魚鳧則仙飛而莫向於杜  
宇之嗣帝亦勸農而稱望何仙術之必承羌遜位於厥  
相忍黎之無依聞啼鵲而興創維鼈靈之受禪力灌鑿

而南王曷貨色之是耽斬開明於曰尚金牛無蹤蛇崩  
有狀五女既望五丁亦喪於是秦收其利以強六國漢  
併其富以定三秦昭烈藉險以定鼎唐玄扈隘以整屯  
宋丁運以末造亦尾勁而用振若鷗張孫李之輩鼠竊  
王孟之倫十二系期井蛙何瞋空爾決拾禮卹加惇降  
體自閉留後若燐頒經置舉合燼於塵饒有重瞳雖珍  
匪珍上下數千年興廢之間偃仰幾百代沿革之際流  
風遺俗之華人文物采之麗紛雲蔚以霞蒸燦蟬聯而

彙綴其中則神禹降靈明德攸逖襄弘化碧著其英古  
甫北伐揚其勩伯奇履霜堅其順蔓子伏劍矢其激嘉  
目筮策以興王信通捐軀以劫敵張寬王褒表文學之  
宗相如揚雄樹詞賦之嫡尤終英撫擅刪著之精胡林  
任薰得研辯之析翟圃尹珍之淵乎經史下閎文公之  
洞於算厯三張各峻潔以啟承二楊並推步而奏績景  
毅趙典持剛正以不阿張綱任昉雖權貴而必擊玄貽  
永信負節氣以自完武明剛業甘危亡而不惕文卿文

伯憤幽室以沈錮王皓王嘉捐妻子而洒漑遵閔質溫  
下民其孚渙灝立堂政譽敷歷馮緄陳禪蠻虜威宣任  
永朱普死生必志諒輔誠精王忱介義李弘雅尚莊遵  
高致支漸隗相孝一通靈姜詩杜孝孝靈通異和寵約  
儉詩朝鯁直舒羣觀象參患善治周譔廣稽宥崇辯識  
洪允公忠二杜貞懿膺之仁攀之明壽之瞻績之宏立  
之博苾之清馥之矯隨之平嘉之卓穎之貞寶之事親  
密之陳情二郎之號四科之名范有二凱梧鳳雙鳴仙



術異乎天綱仙才侈於長庚篆古嘉陽冰獨洩文裁偉  
子昂特更孔明是子易甫難兄逢吉訓詁黎幹辰星李  
覲詩句九宗碑銘梁震操潔嚴震政榮鮮于赫赫子陵  
硜硜讚諦膺首孝之奏何煥凜柏臺之聲講經羨南里  
神童邃易稱養正先生若三孫三勾三李四李玉樹金  
枝聯輝接美五范五張植根擢秀十虞三何鸞停鵠峙  
四陳預識於團仙六蘇先卜於道士三趙食報於尊賢  
三高不愧於汗史忠孝心而有孫松柏姿而多子錫遺

表以見忠魏結髮而研理雨庚以風節鳴愿酉以直道  
軌政還妾而後興仲拒婦而第起孜錚重於學術定成  
尊於易旨有友隆而燕荆合有孝篤而幼髮改有寶田  
遺頌有福星流采有托跡於畫有逃名於履磊磊其節  
蹇賈二氏仲連昂發千秋不死克瓚翊求並令髮衝上  
視雖款啓而寡聞有燦玠璉璞之翹頰揭人龍亶如轆  
轤搜國寶不殊駢齒分砑礪以荷楨陋乘珠與畹蒞麟  
角鳳毛更僕曷指若乃障撫扞禦衆豪回瞻經營興創

蕩滌夷殲則馬錯張儀雄開築以廣圖至冰二郎神疏  
鑿而樹造唐蒙郭昌節一仗而威通吳漢臧宮戈方秉  
而氛埽文翁禮尚而化行朕襄風宣而化導張堪以仁  
威見旌五倫以貞白知操廉范以寬禁興歌王尊以忠  
勤矢報異天挺之卧龍運神武於征誅南靜夷徼北顧  
中都羅統良禕琬維巴之傑佐幄參帷走羽飛超雲忠  
恢之雄斬俘獻馘次則堪戮苞而忠表尚破鷄而勲殊  
遜點石而饑濟昱戰水而蛟屠龍遷禦侮於堅築范友

保衆於高嶠李裕李靖決勝戡平高厚高文討降獲醜  
曹彬沈倫廉脊在兵庭堅十朋清曠在部居易陸贄風  
流靡漸真卿韋臯德威赳赳韓琦簡夫撫莅惟寧張詠  
上官風聲奪寇實戒蛙而蛙嘿堂吞蝗而蝗朽閱道以  
龜鶴風高彥博知宰相於夢久至其僞居敖覽流歷依  
依榮公夷公窮谷遺輝陸通跡絕宋玉心悲崔送庾舟  
洞掩璞扉烏啼竹裂竇子促歸孤臣竄逐黃魔露機嗟  
道古於關東吟子美於落暉巴橋留寇準之屨昌洞曳

茂叔之衣堯夫以雲臺叅易伯淳叩桶翁知微袁滋緣  
醬老興悟正叔諤樵子知幾莘老遵杜村繩祖和靖向  
北巖步師伯溫正己兮已並卜居而音徽至其遺世步  
虛列真息假則廣成紫陽道冥李耳馬成丹化長房道  
陵超清方平長生玄駕或竹枝引度呪鬼鬼仆或封鐘  
顯符召神神徂或挾虎虎馴喚龍龍形或騰身上柏古  
本潛魄或木羊以嬉屠羊惕思或散金解淨留題著姓  
或聞磬出定求砂乞令或假鉞引成投石自明或聞機

構約水宮迎泊迭詭祕於幻幽翻牒錄其如錯臨風想  
睇不仙仙而作於是大風惟殍大域惟牲匪皇匪軌疇  
斯克震惟大明之是御蕩大化於無垠湯征虜雲旅臨  
而鼓聲靜傳將軍雨師至而壺漿迎丁平羌玉斧指而  
鏡臬伏梁國公鐵騎向而豺豹奔正王氣之是禁識王  
者之有真山川踴其得主日月炳為一新育萬彙而妥  
百靈總羣生而朝百神孰不來享孰不來賓父老攜筇  
以快覩何檄諭之諄諄惟結帖耳以順歸毋擒縱之是

頻旁邑傾心於置吏寧繒帛之致殷盼蠻爚其昭格曷  
金碧之事裡嶽瀆澹於沈灑胡濬鑿之粼粼奠上古之  
未奠臣先后所不臣蠕蠕且為煦燠血氣莫不尊親茲  
苴罕升之庶童若里區之蒸蒞以守宰飭以述巡樹以  
師徒道路是遵士被沕穆之風農熙隴畝之春工精璘  
璫之器賈轉縶賄之輪救謚康阜舍穰飲醇邇服德而  
遐慕義上解澤而下泳仁將恢二十三朝以郁郁釀千  
萬億禩之彬彬胡中邦之殊漸狹西徼之為濱於皇哉

方大之國大人之鄉在昔有述於茲孔揚耳食者趾界  
闕面囿牆乃謬訶遼絕擯僻荒令奧蘊弗闡孤奇弗彰  
蜺伏鸚窺又烏知北鯤南鵬夫已下視乎蒼蒼巢棲處  
士於是聰齋神淫心猓口吐粥粥不能言少間曰吐瀉  
洸圖至斯惟先生言真遊我於瀛海引我於亨衢風雲  
生其腋濤沫撼其裾而後乃今知蜀之由來張矣世亂  
先違有足恃也道治後服循乎底也矧乃丁邳隆於今  
日跨上遊於都省匪西壁屏翰中原襟領所謚天下名



鎮之冠詎為詩騁第蒙有愠心焉巨壑沛於一卮泰山  
礪於一溜積饒之國利用恬彫瘵之民起於寇今蜀下  
上下中田賦匪後布粟征徭催科匪宿澤土惟穰擱歸  
閭右厥民嫫嫫如康在囿榷茶榷鹵秋毫畢購白漆紫  
塗歲不遺數絹簪藥綢絡繹馳奏一箠吮鑿官司弗宥  
掄木構材衝嵐穿岫一木訖疑千家搶首加以採使飛  
輓石耕砂耨負販雞豚頭會必究輪蹄跣踰掠扶斥嗾  
富竄窶亡鬻妻售幼骨枯不能供其求髓銷不能勝其

扣地宕天寥噪諄靡叩誰云蹲鴟不饑嗟此饑烏窮獸  
竊裏外席中矛何論昔肥今瘦懸弧先生喟然曰是則  
然走亦盡傷之但任土作貢九州維則上之所需下之  
所棘大工斯興梁木攸克百爾所供咸當嚴翼剋肉灸  
瘡敢覩隱恠乃今天子英明神聖二三元老亮直方端  
惟邃弗知惜曰急般脫擊茲容寧不知歎旋日貢綸音  
閔民殘渙汗號軫時艱貢不惟珍惟其錯征不惟苛惟  
其權一切得已宿留布蠲斧斤戒時林衡惟官貂璫膠

路風雷夙還勿撓神人洞勿浚財力瘵淪者已弗拯陷  
者相與援起飮飮於瀕危貽螻蟬之寢平家羨醵金戶  
晏饗餐忻止戾以如故快恒和之及存譬之燭再調而  
玉輝甌未缺而金完莫莫然猶撲錦地沸歌天以踈踳  
陸海茫洋也曾震此澆濶之微湍處士復若苑結者楚  
然曰斯已矣更有鼠思蓋聞喬木無螽枝螽枝將螽心  
壯士無痿臂痿臂將痿身幅員之側可有反側之氓方  
今明德丕著旁通九譯曷蠢捕兇敢肆毒螫戴我冠帶

明威弗惕負嵎憑隘弄戈飛檄截道屠城縣吏為逆掘  
冢焚廬嬰貫孕剔白骨如麻橫江漂赤巖廟號驚遐萌  
踉蹌運兵轉餉師老於壁詎非抵轍之螳螳庾之鮒干  
皇明之大辟先生諤然曰唉子未耳乎迺者兇方競恣  
天子赫然震怒甫天戈之境薄不旬朝而已仆爾乃逆  
運將壅夷莫乖窮我師用奮采搗於封濯征聲罪罪厥  
靡共貌貅四出嘽嘽如叢弓鳴鏑變草木生風驚自天  
下雷雨駢攻躡其闕阨火其室宮蛇豕失踞獷狻無蹤

窘彼逆龍雉經於磴妻孥友其袒縛巢穴傷為一空昇  
屍京師剖棺裂胸爰殲么孽流凶懲兇惟茲不諛福壽  
斯終自礪石訓捫膺胡恫三朝之所蘊積一昔為之芟  
崇今且薙荆秦剷凸窟夷菁莪布郡邑同大壩之剷除  
並龍州以柔輯茹華教洗腥習矩章程閑約率兇渠既  
嘉何有醜類么詭之氛息駿厖之風一羶裘之長以十  
數咸交臂詣首而受律慕皇猷之遠敷歌聖澤之遐溢  
極土濱為翕赫娛娛誰昔羈縶之術處士於是蹙然撫


躍有是哉未之前聞也爍哉昭代懿矣我皇帡幪無外  
丕載無疆底績符於夏禹南化媿於周王開造駕於秦  
漢耆定軼於晉唐千古有奕萬葉彌光矧茲天塹地輿  
形勢岑崟雞犬相聞連城接闥奢豪侈麗乃勇乃文浸  
假填撫有道容愔以安途清呼晷隅息呻吟豐融日熾  
齒聚月臻將泰寧而外戶佗以固有事而堂室僊以尊  
詎不永壯國家於棟隆維盤石於廣坤願先生奏頌蒙  
敢敷箴懸弧先生乃颺言頌曰巖巖維蜀天設其險周

山盤川鬱律巉嶮四塞岵岵壯捷牢關駢駢壘靠百二  
斯閑中地壇曼垌晦攸舒實抵實京百室盱盱含星吐  
蛩有士其雍東箭南金咸作邦貢誰曰外區濱厥要荒  
吏治既循憲斯王章在昔先零有紕且隍今茲懷柔式  
廓為烈大琛小琛帥侯暨公曷是旬宣吾王維同維王  
不忒維爾以則永价鎮固用襄無極巢棲處士則莊容  
而箴曰固國維險匪險弗克險亦曷憑居之在德強國  
維富匪富何因富亦匪恃綏在以仁公孫祚促劉氏璽

投敗轅有監厝薪勿謀一夫負固必遭後誅天子弗守  
大亦不居母曰爾庶封靡作使馬御失銜抑有他起母  
曰爾寧砿窳無憂檻虎有牙一逸不收必難必悚居諄  
覲遠瞻形幹機固標以本維穆且有維戩采昌釁茲勿  
替匪西一方

御定歷代賦彙補遺卷五





總校官庶吉士臣張能照

校對官編修臣周厚轅

膳錄監生臣汪承泰

欽定四庫全書薈要

集部

御定歷代賦彙補遺卷六

七



欽定四庫全書薈要卷一萬七千三百八十七

集部

御定歷代賦彙補遺卷六

都邑

晉國賦有序

明張鳳翼

御定歷代賦彙補遺卷六

國天下莫強焉者一時不能對退而廣子厚晉問為賦  
以識之至踳駁挂漏則才識之所不逮也

粵若稽古晉國廣袤麗於黃墟阻三河與碣石實禹貢

之中都輪逶迤其磅礴經曼衍以平鋪達窳窳而九達  
亶天造之雄圖爾其昂畢躔墟參辰應隕匪以楊紆靡  
以大陸爇以燭龍倚以鉅鹿北塊沆漭水陸歎吞蒼虬  
左抱白菟右躡玄武聳矗鶻火迴翻誠風氣之所宅而  
扶輿之所庥於是東跨齊疆南連楚越西距三秦北窮  
五國以天門日觀為儲胥以雲夢漢陽為米闢以紫淵  
華嶽為樊籬以黑水青山為障塞控八紘封域以居尊  
羌何擬乎彈丸之一幅其山則王屋夏屋龍門雁門三

峻三磴九箕九原累頭倣斗壺口懸壘砥柱峻增而倒  
漈太行截葉以蔽暎又有銅鞮雷首姑射中條岩薜參  
崑崙岍嶠崑崙崑崙崑崙崑崙崑崙崑崙崑崙崑崙崑崙  
岳之所標其水則沁澮沱汾洮涂泌洑湍瀉澗滂渦漳  
涅瀆嘔夷渠潏以敷濤媯汭沖融而感復疏激灃於龍  
渠澹澹潏於象谷又有桑乾獲澤嬰澗平田玉泉金泊  
石洞昕川汪洋澎湃連漪潺湲湯湯淼淼湍湍濺濺灌  
黃河以東注翕覃懷底績之喫其險則飛狐插漢巨馬

洄崋羊腸九折龍首千尋瓴建井陘之隘筭通句注之  
陰其勝則董澤盤盂呂梁噴薄峪止鳳凰樓高鸛鵲五  
髻現境於清涼四鎮宣威於毳幕其靈則祥開金鳳瑞  
應烏龍三峰王氣五日陰夢雩崇侯兮靈雨駐妒女兮  
停風其異則管涔神劒渥洼天馬朔雪層峨火山甜閭  
辣蜿蜒以衝冰歷踉蹌而負野其蹟則穀城苑苑鹿苑  
芊芊傳巖迤邐孔轍迤邐闐矣西河之室蔚然綿上之  
田投筆之臺未圯煉丹之鼎猶煙此實上游之寰宇既

溥之幅幘也。繇是顯烝瀰漫載亭載道瑰麗以繁瓊奇

以別擅萬物之晶華表千秋之殊絕則有并刀韓甲屈

馬垂琛雲沙代赭澤錫遼復廣陽之鐵大鹵之金紛紛

籍籍品品林林若夫冀北之煤連縣大麓斷礲呀巖摩

肩擊轂五方絡繹以躋涂萬竈炘燠而轉燠河東之鹽

漢決神龠皚皚晶晶幕幕鱗鱗佐園泉於九府通賈販

於四鄰又若上黨之厘大河之涖軋札相聞噉噉是比

絢藻火與山龍噉鱗鱗及鯁鯉總興殖於塲區詎瞻瞻

之能齒肆其陂塘瀦灌溉通原隰墾稼穡同名園隸獵  
盛圃芬叢蔬則地萆天花霜芹雪藕鼈蕨鳧葵晚松早  
韭芋薤蒔葑爰衆爰有行白玉於高門送青絲於纖手  
穀則秬秠糜芑粳粳稻秔禾麻荏菽一穗九莖植穉重  
糝如坻如京可以實倉箱而穀士女供俎豆以庀粢盛  
花則菡萏荼蘼姚黃魏紫芍藥薔薇金嬰玉蕊蓓蕾芳  
菲含香散蕊蔽雲塢兮森森簇雕欄兮纍纍木則槐檀  
樺栗檜柏椿松桑榆柘檿杞柳桐楓參天溜雨蔓藟青



蔥滋偃蹇連蜷之勢壯翬飛鳥革之雄果有紫李黃柑  
細桃白棣常山之梨安邑之棗馬乳稱猗氏之甘狸首  
羨太原之好俱足以敷賁精英而發果蓏之珎他如白  
豸冰鼠赤豹黃貌慶茸貉腋龍骨鵬陂玉芝雲母紫石  
黃著亦莫不猗那是產以蕃動植之奇至於雉堞雲橫  
雄關斗絕玉壘金湯困圖帶嶠軍州蛇勢以居宇縣犬  
牙而列鼎峙受降之城延亘防胡之埒魚符所統什伍  
蟬聯戈鋌壓地鼓角旣天砢礪碣磻駢駢驥象譯寄

鞞之屬靡不震而驚焉聿有朱邸黃扇繽紛匝西橋駕  
飛虹臺邀明月表以晉陽之宮祀以汾陰之闕窮池館  
暨巖房攬清冷於不竭且也珠明魏乘壁重秦城毫散  
伐山之穎圭呈拔樹之靈玉馬璘瑞而顯異仙藤掩謁  
以旌誠此其著者餘物難名進而求之光岳攸鍾文明  
鬱起人傑地靈儷鑣績趾聲施屬鼎之顏徽潤實簪之  
泚爾乃拳馳獨往秀擷羣芳行純金錫操凜冰霜既鶴  
鳴而鴻漸亦虎變以龍翔越倜儻其魁壘豈咫尺與尋

常故語高曠則薇留孤竹之風松挂一瓢之月逃三聘  
於澠池隱十經於於越傲世兮枕流辭榮兮蒔藥獨聞  
張果還山王喬跨屩俱蟬蛻乎風塵而逍遙於雲壑文  
章則賅綜史記玄挾洞林詩詭明河之錦賦稱擲地之  
金中說敷陳乎名教橐駝濬發於靈襟蛛網燕泥指空  
梁而振響落霞秋水度高閣以流音誰不照丹文而光  
綠牒穿月脇以貫天心其為望也忠著程嬰義推張老  
智決輔車仁昭結草勒叩缶於相如崇折中於有道六

龍騰祈數之輝三鳳煥河東之葆殆煜乎垂景耀於春  
秋而賁然播餘馨於品藻也至若孤憤激大節援誓九  
死重一言灑龍逢之血遊雉經之魂伏鉏麇之觸甘豫  
讓之吞溫序銜鬚而抗虜呼延文體以酬恩凡此剛方  
之氣亦已翻溟海而撼崑崙更有應運風雲爭光鼎呂  
文揚黼黻之華武奮勳勳之舉若三郤佐軍若五蛇從  
旅若筴效和戎若筆稱良史若狼睥之突陣摧秦若羊  
舌之周知教楚咸斌斌乎麟鳳之儔而洸洸乎干城之

侶猶未也六卿既大三晉遂分噓以羸燼蒸以漢雲唐  
風之所被宋德之所薰其間師師穆穆濟濟芸芸如信  
陵率五國之師平原高十日之飲侯羸收卧内之符毛  
遂脫囊中之穎趙奢解閼與之圍陳筮告華陽之警衍  
儀前席夫六王頗牧披鋒於四境斯亦畸矣肩是雋采  
星馳雄飛電掣西京衛霍之軍功東晉裴王之相業狄  
梁與薛史同標司馬洎王楊並轍秉燭達旦揭日月於  
無疆騎箕歸天壯山河於不蔑繫何代乎無人亦何人

之匪傑又其盛也晉文復國趙武爭盟韓昭修術魏惠  
徵兵汾澗胡兒之磊落沙陀亞子之崢嶸當其時屬車  
秣馬斬藿披荆叱咤則觀震改色指揮則參井無精莫  
不業業赫赫砰砰轟轟夫非一世之雄哉然猶偏霸耳  
蓋嘗覽輿地按冀方歷蒲阪溯平陽弔伊耆之休爍追  
姚氏之烈光則見堯天永位舜日常熙四方以宅七政  
以釐九州以奠百穀以宜五品以序三居以夷八風以  
苞六府以治封十有二山之鎮弘萬有千歲之基迄於

今士尚謙恭民多醇古恍不識不知之耻一讓畔讓居  
之度去華從儉則素題越席之遺也憂深思遠其暑雨  
初寒之故乎於皇哉唐虞作對夏殷繼昌神臯睱藪鬱  
乎蒼蒼雖巨鎮雄都未敢望也而何有於僻壤要荒

揚州賦有序

宋王觀

揚州古都會也枕江臂淮與益部號為天下繁盛故以  
來節鎮首稱揚益焉今夫廢興之跡與夫風土人物貢  
賦井邑之纖悉詳見於傳記可得而考因撫類次第而

賦之其詞曰

天鬻先生溺意藝文繇日窮年柅蹠蹕之短步鬱遐情而不宣悵江淮之去來閒走陸而航川徒跋跋而奚補寄赧色於頽顏睇故國之荒蕪尚氣象之嶙峋思抽毫而弔歎傷日月之徂遷環中丈人推手而前曰子非無文何為嗇辭華於一言先生答曰去來於茲十歷春秋或行役之不遑或疹疾之相嬰有所不暇丈人曰子今請邑此邦古今之廢興人物之賢愚封域之遐邇土風



之纖微貢賦之所出詳目熟益已周矣請子賦之吾  
將觀焉先生因驅撥冗猥滌慮操觚於肆厥辭嗚呼吁  
獻策驅驢以出遊兮款近郊而驚春芳華冉冉以摧謝  
兮俄汎然而黥塵稅倦鞅於危岡兮俯樓欄而棲神哀  
衰殘之戟目兮發古意之酸辛搜傳記之浩穰兮契口  
耳之傳聞稽質乎地誌兮叅諗乎乾文牽牛婺女流為  
揚州南攝乎鉅海之潯北壓乎長淮之流包有吳越首  
建楚周保章辨之以星土之數職方分之以畜產之由

茲惟陶唐置牧十二揚居其中世濟以治夏因商襲九州以異惟周封建各正其地季末解紐侯國爭利犬羊用人孰作藩衛嬴秦咄嗟奄有神器煨燼墳籍變亂古制罷侯為守郡縣始置昧形勢之孤弱薄恩親於子弟下更晉漢南北分裂隋繼以興陳室復滅天下始一冠屨有別易州而郡法制未絕增置太守統以司隸有唐開府刺史分莅此牧守郡國先後變更而相異也環中丈人復曰茲述其槩請道其詳先生曰然執筆而前惟

揚之先在周屬吳魯哀之年城茲邦溝遠通江淮見於  
春秋後越滅吳用為寇讐強楚東侵廣地自謀抵於泗  
上雄視諸侯楚復奄滅是為廣陵顧始皇之蜂豺覽天  
下而吞并略長世之遠謀出須臾之經營郡始屬於九  
江本立異於虛名偉項籍之姦雄置秦鹿兮相兵王英  
布而開國俄劉邦之勃興革前人之故號易淮南之新  
稱或江都兮創更或廣陵兮相仍首皇子之啓封復沛  
侯之繼承彼得失之奚計問叛逆之為朋弔漢公之遂

巡亦異號於江平踵三國之紛紜作重鎮於魏邦彊幹  
弱枝倚賢進良逮文帝之黃初幸故城兮臨江奮山川  
之戎旅蒨煙靄之麾幢志南渡兮已必卒冰舟兮莫航  
目波濤兮稽天奪神明子歎傷實皇天之限隔豈人力  
之能障浪賦詩於鞍馬因縱美於湯湯曰魏與吳名號  
相因統縣有八屬徐而紛繫晉末之驅馳控三齊之要  
津逮宋有邦州鎮是隆擇刺史以惟人俾撫柔於土風  
講盛事於嚴秋之月觀鉅濤於海陵之東俯江湄之壯

闕眺京口之穹崇歷陳梁齊之累朝卒更革離合之不  
同一陳留而分郡一東廣而啟封復吳州而異稱示屏  
衛於其中隋總管以名府顧舊名之是從睿煬帝之纂  
圖詔修飾於離宮會殿脚兮揮楫揚錦帆兮繫空決東  
幸而建都引千艘予戲龍戮忠臣而杜口括寡婦以從  
戎獻無尾之羔兮絕繼作遭春之語兮凶終鵲集黼帳  
血腥劒鋒徹牀簀以寔藏痛精誠之奚依指雷塘之漫  
漫仰楓林之巍巍本馳情於一快反植禍於當時救陳

稜兮留鎮擁大軍兮北歸眷天意之昌唐卒虬髯之見  
幾叱咤喑鳴作興帝基承江淮之歸命更南充以臨之  
外增置於行臺內維持於本枝武德而還寓縣緝熙或  
邦或揚陞號都督貞觀之間十道分牧景雲開元增廢  
遄速採訪處置道路擊轂縣延永泰之末創新節度之  
目敕親王而領使慶皇宗之敦睦副以長史權任戒獨  
跨豪華於天下駢十里兮雲屋此州之因革名號之大  
較也擾擾後先興亡可錄吳王濞之不臣非子建之就

戮淮南安之自殺而始惡彗星厲王長之憂死而民歌  
春粟非貪地以害公卒三分而承續紀陟之譬護寒也  
知險要之必爭諸葛之誅樂琳也表誣辭而自贖文欽  
之叛也因曲赦以示恩曹丕之走也駭疑城之在目沈  
慶之設强弩於高臺兮謹乎備禦吳孫權置烽火於孤  
山兮驗夫神速蔣濟諷三州之論袁術哀馮氏之辱季  
子通之暫據杜伏威之驅逐彼公拓之何知運螳臂而  
相觸力未加而已喘息未伸而已促委雉堞於荆榛痛

黔黎之魚肉徐敬業之傳檄兮武后臨朝而慨歎田神  
功之提兵兮劉展就擒而顛覆陰奏伯和之罪兮少游  
之凶狡外匱南方之力兮李錡之貪黷唐控失御昭皇  
蒙塵屬朱梁之侮國復漕兵之不臣沸淮海之狂波漲  
寰宇之妖氛迨吳僭王楊氏始振行密亟亡渭溥稱尊  
兵弱地狹器畧識昏亦猶指尾閭而瀦去水即虎穴而  
寄蒸豚未有不亡者也夫然迭守迭攻代亡代存東都  
之啟國脩大齊之自君始焉懼神謀之或泄默然畫爐



火而誑人咄嗟高駢跳吠信信叱海嶽以倒立噓風雲  
兮晝昏忽埋金之行厭終故璫兮裹身呂用之之狂妖  
畢師鐸之并吞孫儒厲言於庸賊秦彥仗劒於轅門時  
雨降矣雖灌溉兮何益太陽昇矣顧小星兮徒云顯德  
興周淮南克復撲燎原之凶燄起摧風之腐木赫赫然  
我太祖之興也不取一毫不折一鋌何重進之跳梁逆  
神鋒而自斲按九天之成法斷巨鼇之左足捧祥日以  
出海乘鳴雞而御籙民適父母天薦福祿冠帶百蠻兮

蠢然集慕羶之衆蟻東帛萬國予浩然收朝宗之百谷  
土歸民耕野無鬼哭括有幅員悉吾臣僕銷藩鎮之僭  
謀亶皇明而外燭敕示守臣語吾約束掃戰爭之故地  
變歌謠之善俗此州之聖愚興亡之明戒也長岡巖嶙  
西馳東走凜劒外之危勢吞淮天之遠岫帶楚水之縈  
盤瞰吳林之森秀巨魚乘波偃然出壑長蛇吸煙翹然  
引首高焉上摘於星辰廣焉環迷於宇宙四帳無所兮  
失迷藏之樓萬點猶明兮餘放螢之圃乏擊毬之壯女

悲喪馬之龍廐帝子去久兮空文選之樓雨蘚朝生兮  
侵蜀泉之甃風飄飄兮引竹西之歌吹雨纖纖兮發貢  
芽之香茂塔西靈兮軋空池九曲兮分溜杜子美思東  
流而乘興朱長文目西山而懷舊風亭月觀琴室吹臺  
屹萬歲之雕華對鍾山之崔嵬待玉鉤之初月銷丹楹  
於大雷走十宮之狐狸鞠三陵之草萊魏水軍兮穿巨  
池而分浦隋酺戲兮揭羽葆而橫街僊白尚存兮混草  
莽之墟胥骸未朽兮感金玉之精植桂荒謝公之宅掬

淚傳秋浦之情筮山火以疑寺名之妖祥驚夢寐以登  
峻臺之崢嶸望輿浦兮表瑞始乎范邈峙危城兮施築  
本乎張嬰孫郎作涂塘而淹北道齊高分巨水而遏艾  
陵此州之城邑山川樓觀之所在也所以庾闡縱麗言  
於禦寇鮑昭攄雅思於蕪城因獻賦以賜錢兮酬王正  
之才聞宮聲而疑變兮見令言之明客謝井兮起盧仝  
之意表薦士兮示蕭逢之能張祐著浪遊之跡杜牧悲  
薄幸之名箴告執籌兮揚子雲之慷慨詩弔故宫兮李

義山之縱橫訪木蘭兮偉王相國之貴渡金湯兮陋章  
孝標之輕子瑱據城而生叛逆之志嵇康鼓琴而識禍  
亂之萌騎鶴誚昔人之妄露舐哀正女之誠大中紀年  
兮獲官河之聖米韋生避地兮悲水調之遺聲此州之  
古今賢哲之所褒稱而悲歎也揚揚水波人實躁勁或  
土多篠蕩之材或地宜楊柳之性厥田惟下天草惟盛  
利焉金錫之為美民焉男女之為正馳甍社之湖兮夜  
駭乎明珠之光怪泛揚子之心兮朝出乎寶鑑之精瑩

袍美蕃客布出鮫人半臂美錦土縠花紋烏節早香蛇  
粟連根蒟蒻竹笋蘆芽水芹海榴石楠松藻葵藿菰粉  
白芷松栝葛薑芡角翻刺蒲劒飛鉞鶉鴨鵲雉狐貉兔  
獐野不利穀畜不宜羊鰕鰻鮓鰱鮓鯉鱮龜鼈黿蜃  
蟹蛤鰻魴螺蚌蛭螭獷殼堅剛五都百郡千豪萬商趨  
牀頭之冗會定萬貨之低昂天長甘泉蓮塘石梁積冬  
雪之綏綏乘春霖之浪浪泥冰土陷輪摧馬傷張氏記  
明於行殺李巡注釋於輕揚采得寶之歌兮韋堅進官

於常侍興壯埭之役兮謝安獲美於甘棠奇乎哉瓊花  
吐英芍藥矜芳媚靈宇以敷秀覆修亭而舞香其潔也  
仰綠雲之玉妃其美也奔素月之仙妝其色也照時春  
之藻景其馨也破真室之罌香友姚黃於西洛奴玉蕊  
於唐昌至於雜樂奇戲歌童舞倡結荳蔻之春梢艷珠  
簾之密航九橋連居善和名坊楊柳發孫生之句牡丹  
為李氏之光姓氏之出其源章章劉馬鄭盛韓林車張  
戴高槐游茅冷蕭王此風俗物產氏族之所出也兩京

而降五代以還人物之詳善惡可觀微至於棲巖遜谷之士下至於羈臣寡婦之賢董子諫易王之驕志何武寬戴聖之微愆吏民刻石頌馬稜而懷德祠祀祈福祝張綱而致虔趙苞成三年之政徐璆謝上公之官劉馥先一時之備出苫蓑而復壘陳登當東方之事合部衆以安邊事大見委分責溫恢之效以函致問兮尊劉煜之言政治尤異三府薦臧旻之績鎮撫安靜郭謀言滿寵之德張玄不逮子綱而雅有高行張遼至自海陵而



今猶血食窄融利財奉佛而忘督運之急孫景委那東  
歸而得見幾之力陳瑀懼李術之集兵周瑜識將幹之  
說客陸伯言之先幾而知楊竺之終敗糜子仲之傾財  
而資先主之軍食器中鬻茗而老姥不聞於增減帷下  
燕客而桓溫恥崇於雕飾劉頌博識而見稱時人盛彥  
異才而不應召辟華譚好學而取貴乎鄉里惠休復姓  
而晚階乎仕籍開南門而必王兮恭陵胡為乎反禍實  
根本之所寄兮劉氏於焉而深惜荀伯玉夢稚兒之語

呂僧珍遇師相之識白虹貫城而義慶以之懇還十年  
養士而季崇以之破敵老能馳射者傳永之好勇畏如  
神明者蕭景之舉職方隋之時趙才裴矩之從幸其止  
輦抗辭毅然而不佞志一朝兮已決言百車兮孰聽指  
血染鞅兮徒為乎宮女之留輿服羽儀兮徒為乎何稠  
之定李襲譽非特築句城以興利也復聚書而訓子王  
志愔豈惟破凶滑以示信也先保民而為政吉甫徒壽  
州也求行乎招懷之策德譽惜丁黃也力沮乎智興之

令叅佐不用明李鄘之失郡人紀德見姚崇之正倪若  
水因班公而有登仙之慕陸鴻漸對季卿而別中濡之  
性南柯駭淳于之夢沙堤發李嶸之詠臧珍對世宗言  
卑濕之狀田頔諫揚氏喻狂猛之心賈崇失律懼元宗  
而受責馮謐削髮遇周師而見擒環中丈人曰子之博  
聞吾已詳知子之凭高睨下或得於古或得於今人之  
所不能見而知者試為陳之先生怡然布席揖座觴三  
行而已醺徐為丈人言之引目迢迢邈不知其所極也

撫心迴迴恨不知其所至也條隆條平闕絕頽危勢相  
睽而不屬者此前日之廢城遺堞也斜分直出東西左  
右而名不質其孰謂者此前日之市朝街陌之故處也  
殘刻斷礎燒昏草沒而牛羊牧放之所憑陵而上下者  
此前王之離宮別殿也纍然而峙矍然而空穴狐鼠宅  
虺蜴棄於人跡所不及者此前賢昔帝之壞陵廢冢也  
前日之綺羅鼓吹之坊今日之芸童樵叟之歌場蔬圃  
也前日官寺法度之所出而今日之浴牛飲馬之斷溝

荒塹也齊綠高陰局分而并列者此芟麻桑柘高下之  
畦隴也似出而沒若來而去非圖繪筆墨之所可形容  
而盡者此荒煙野霧朝暮之氣候也茂林陰陰挂晴日  
也白鷺翩翩戲平池也遠水沄沄艤舟舫也羣山亭亭  
帶長江也疏花綴草天天灼灼訴春情也修篁舞煙曳  
曳徐徐縈客愁也怒蛙沸雨怪禽嘲暮行商去賈千蹄  
萬檣南浮而北走者不能誰何其一二也是以思紛然  
而蕩越斂而不能相合言屑然而蹠冗就而不能少功

夫然景物之夥不為丈人道也敢肆其所可道者丈人  
姑聽之因屏息整衣受揖而立端以俟命皇乎哉我太  
祖之有天下也進賢黜愚定羌服胡分茅裂土而啓十  
友之封銜壁輿櫬而赦諸王之誅萬里一統混同車書  
粵茲維揚古曰名都屏扞京師世倚賢儒唐季彫微羣  
雄角趨寄人命於戈鋌委城雉於榛蕪誅殺蹂躪培削  
驅呼政察察而不綱下嗷嗷而無餘一祖經營四聖扶  
持逮皇上之興也天覆地容風養雨濡振歷世之衰殘

造太平於須臾四海九州稱唐頌虞士樂膠庠商通有  
無工事於器民安厥居老舞少歌其氣于于實惟神州  
東南奧區併邑治以簡役廢軍壘以寬租江浙甌閩交  
廣湘湖摩輟銜尾駢走津途蓋鑒前季之興亡建永世  
之規模儲粟穀之千倉宿驍雉之萬夫擇將臣以嚴訓  
御之法制尊牧守以絕鷹虎之侵漁淬蘭錡之戎械增  
堅金之外郭崇中國之藩垣銷姦人之覬覦言未及既  
環中丈人委杖出席拊髀爵躍失氣出舌乃曰賦者古

詩之流古人所以通諷諫也今先生之言磊落崢嶸豈特詳一州之事舉而措之足以彌縫帝袞龜鑑當時天鵲先生跼蹐戰汗恍不知其所如百拜以謝定色悉記將以俟采詩者也

寧海縣賦

有序

宋 諸國秀

孫興公作天台賦信耳聞而任臆度寧海其東麓也事或湮沒而弗著獨一丹丘存舊名而臨海天台交有之莫訂其實余家寧邑蓋五世其山川里社之所隸人物



土產之所鍾有親見非剽聞有諗知非臆度也矧夫皇  
輿駐錢塘邑在五百里甸服中聲教濬滌精彩呈露月  
異而歲不同顧以千百年往事槩觀得乎暇日繙故書  
因命子墨賦之詞之淺薄雖不諧金石聲以取譽於時  
原古備今聊以補前賦所未及云

有客自東都來問於桃源主人曰吾行天下周覽山川  
九土之別揚州台嶽未發於神秀六朝之都建鄴寧海  
罕著於名賢堪輿閭而弗耀圖諜佚而無傳子居是邦

願聞其所以然主人曰客亦知夫天施地生之有消長  
古往今來之有更禪者乎以吳越為蠻索春秋之所同  
貶以台明為瓌富詞人之所深羨惟晉太康吾邑始顯  
截回浦而置郡析章安而為縣初宅白嶠聲迹歲遠旋  
卜海游規模日淺今遷治於廣度得形局而恢展背烏  
石之岑堯腰玉帶而回轉橋亭橫界乎兩街市門旁達  
於四面祠應三台之頃臨井象七星之分建方祥符之  
奉帝真新皇祖之登御殿藩府之儀式崇士節之侯謁

見乃紹興之定庠揭四教之堂扁屏門闥之囂誼儼麗  
澤之淵泣祝聖則放生池之記複出勵賢則釋褐坊之  
題壯觀祭社有壇以重先農之祈報登陸有亭以隆過  
客之賓餞爾乃六卿冠蓋之都會千室絃歌之數闡隸  
方畿之繁邑非邾小而滕褊其山則東有帽尖蓋蒼之  
絕巘西有桑洲桐巖之卓峰峴城矗立於南鄙天門昂  
峙於北封三十六雷當其肘一十六窟蟠其胸跨古岫  
而上寮斗蓋梁宣王之舊遊幸踰摘星而入瑞雲又佛

曇猷之諗經從堦橋之虹石梁杳通蒼蒼蔥蔥仙巖之  
峰洞天幾重穹穹窿窿竒龍勅虎嶮怪龍從雲情雨狀  
變現洪濛康樂思登而泥武文舉願從而遲蹤其海停  
納萬流宗長四瀆控直港於稽鄞引大洋於溫福出烏  
崎通鴨綠晞日本睇暘谷合鎮都而為五十二隸海嶼  
者有三十六馬筋滉漾之鄉匪閭尾而吸長川黃渡湍  
激之勢架修梁而接平陸緱城以北厥壤既隩歎綺亭  
之舊築浮門之曲廡聚惟簇陳長城之故族一日再潮

陽往陰復千艘萬艘東奔西逐元輿觀之而難言子虛  
賦之而不足其野則有郊垌原隰溪澗洞潭其平如掌  
兮通適其峻無涯兮巨探視涓流而過坂兮為碕為隄  
望朝氛而竟野兮為霧為嵐風挾颶而震遠雨拖浪而  
蕩炎居毗安之而生聚神物憑之而隱潛爾乃培厚而  
百家集淵深而萬有涵薑畦富於松壇黃社蔬圃利於  
後洋溪南苔脯擅奇於古洞茶筍毓瑞於寶巖硤石蒨  
奴魁蹲鴟而軟滑栲溪楮友方剡藤之瑩纖九頃蓮芡

得水澤之富三洋椒漆宜土性之咸竹蕃於筓筋淡苦  
木盛於檣樟松杉其卉則萱蕉葵蒲艾蓼蘆兼而灑然  
秀出者惟孫珥蘭簪其果則李柰榴栗桃杏梅柑而石  
然飮座者惟香橙乳柑其田穀則秬秠總總而利獲於  
海塗者相倍蓰其陸種則麻菽穠穠而歲收於山貨者  
常二三藥物誌於實窗者大半菊種譜於蘭塘者相參  
厥草芊芊兮長重脂之荇厥桑黝黝兮登五熟之蠶鑿  
埴則梅村之沙成鐵熬波則長亭之土成鹽以至惟錯

之珍所產者多鱸脆鯪肥螺珍蚶柱蠮牡蝦魁望潮章  
巨蜆含膏而團臍制鯊凝油而塞肚鮫通黃而粲金相鱗  
柔白而懸銀縷新婦臂婉而凝脂老嫗帔長而曳組舊  
總謂之鱸鮮賤不論於分數若夫滂漲而河豚生汐退  
而彈塗聚蛇沫浮鰓黑吻鼈車攢蠓山豎修帶如篋斑  
鹿蘋虎鯪目之比如瞪魴莆之銛於鋸鯨梅之輓如束  
鮓苗之多於黍鰯楓葉之僂輕鱧竹夾之癯露加之鯨  
鰻鱖魴之黨類蚌蛤煙雌之儔侶水經失於登載爾雅

昧於記注名不周知品不殫舉於是術逞詹公巧兼任  
父隨搜收於緡罾賸堆貯於鼎俎又有鯉鯽細鱗鮎魮  
吐哺蛙蟹產於疇塹鱖鼈穴於沙渚濺濺渴渴洋洋圍  
圍雖水族之殊科亦海物之同與礦石涸於蛇盤之丘  
石首發於洋山之嶼工師鑛堅而鑿分舟人冒險而漁  
取磨礮礪硃以供百家之常需膠鱠鱗鮓以通四方之  
販賈此雖方物之所宜抑亦他邦之鮮伍而況東南正  
氣界截海邦霞嶠月嶼鍾英孕芳曩以去天之遼邈超



然避地而退藏至屈氏子廬於湫水之許梅長者棲於  
鳳山之岡曰鐵場則有若張少霞之藥鼎曰桐柏則有  
若葛稚川之丹房雖啟靈而著述迄鏟彩而埋光偉宋  
德之當天同文軌於殊方崇姬孔而抑聃釋業文策而  
變工商越嘉治祐宣之熙洽聯周王羅李之騫翔赫名  
第而起晦闢井社以劓荒迨六飛之度南廣仁澤之延  
袤東西王兩族之望左右許一門之秀疏學殖之根源  
競賢路而輻湊鄉貢之家比比乎連甍橋門之彥翩翩

而結綬或騫華於童習晚恩或擢穎於宗英世肖或文  
武科之踵升或內外優之疊奏或能流光於宦業匪徒  
角勝於文囿爾乃白屋公卿青雲步驟烏臺騎省之出  
入虎節菟符之先後重典選於春闈侈榮歸於畫繡簪  
筆素以對天光典樞衡而應台宿等而上之來者靡究  
更有尚清修而立門戶輕進取而安里廛泥滓名位膠  
漆林泉瀉陶篇與杜什藐島瘦而郊寒蒙菴文會襄陽  
之耆舊閬風詩侶江西之派源或闢野堂而講學或儲

墨藏之遺編或守柴桑之廬而厭仕或結香山之社而  
逃禪信君子之行藏表鄉里而率先士得師於庠塾農  
勤身於桑田工執藝而精良商通貨而貿遷舉樂道而  
懷德知委順以安天於是俗化明表裏正有事生事亡  
之合於理有為婦為母之一於敬守義者却婚於崔盧  
篤教者嬖賢於陶孟茲陽倡而陰和猶宮動而商應若  
蔡貴嬪則垂國史之懿範若汪李氏則著郡記之賢行  
厥惟風教所關非但室家相慶亦或厭世味之甘辛悟

法身之清淨傳遠祖之衣鉢擅上方之名勝惟此舊俗  
安於遐陬不從軍而走馬不帶刀而賣牛僅守田園之  
業以紓衣食之謀彼錢氏之僭竊奄全浙之誅求遞逢  
迎而加賦苦椎肌乎何尤獨陳長官如魯中牟歷上書  
而爭詆寧委身於繫囚直挽回其毒手得輕損於苗頭  
迨夫錢俶納土而後皇政優游閔赤子之彫憊從寬典  
而撫優由是歲月久雨露周主意渥宿痼瘳立縣渚之  
鎮以警鄉落之狗鼠設臨門之寨以壯屯衛之貌貅寬

稅斂於經典弛酷權於糟丘免身丁而生齒有滋蕃之  
益行義役而鄉鄰無糾決之讐遂百年之聚族溥一同  
而蒙休又况氣數幹於定理矩矱係於操修赤城經行  
之日著拙齋生徒之雲稠寓黌舍而象繪備烝嘗於春  
秋植公道之赤幟屹砥柱於中流後生宗之而自勵末  
俗聞之而不偷且夫自有邑里以來希見兵革之事袁  
晁狂徒竟殲於十二保橋呂囊殘黨隨撲於清泉山寺  
二難既消寸鐵不試晏然媯葛之居民真若仙佛之樂

地子來幾日談何容易客再拜曰吾儕小人麤明大義  
茲固道聽而塗說或恐俗殊而政異敢將狂夫之言以  
發主人之意海瀕斥鹵旱乾無備三日不雨則田龜拆  
而枯焦一穀失收則民憔悴而狼狽枯富家之儲贏仰  
客舟之米至此合推廣社倉之成規以為凶年之久利  
萬戶酒醑沈湎荒恣大家造年計以糜穀細民乏朝炊  
而求醉是雖郡國之委輸終亦縣家之枵匱此合稍復  
發賣之通規以貯公私之元氣官弱民強誰實為崇治

邑者憐憚而不問攝事者苟且而不治此安得關中司馬洛陽康節之復生以主鄉邦之公議余亦言外之散人或干狂謀而出位主人矍然起而謝之曰客固咎吾之不言而未知吾所欲言之志就歷敘於篇中以備觀風者之所采

小函谷關賦

有序

明李元暢

關為前守吳公國倫所築蓋重地也題詠者備矣而賦獨闕李子補焉詞曰

歲在重光協洽蚩尤氏為崇乃迫上帝下機槍降獍狂  
鍾為妖虜來自東方虎視我高郡鯨吞我電陽蠶食我  
鄰宇麇奔我疆場鬼磷青野白骨陣雲黑戰日黃時則  
有太守如羊開府其人者輕裘緩帶一鼓殲之而累卵  
之城固若金湯太守曰未吾聞劒踰蜀破嶠入秦亡重  
關之設有土者可廢而不講乎於是甯城以北得天險  
巖巖類函谷者雖小而足以守國乃召虞人庀材公倅  
削墨許少施巧秦成效力跨峻坂以啓扉因斷磬而衡



闕一丸可封萬夫莫敵前抱啼猿之峭壁石路線牽綴  
以卧龍之奧宅盤嶠谷旋既臨深而履險懼身墜而目  
眩魂黯銷以失度足趑趄而不前山河爭百二之雄壯  
門戶總四八之喉咽當其空林叫狐深莽匿貌司疆舉  
燧猛將彎弧則斯地也貔貅屯而霧暗鼙鼓急而風鳴  
悲笳咽而月落高壘出而煙孤田文不能以宵遁郭丹  
奚自而買符若乃運際熙平嶺海澄清旌旗畫卷刁斗  
夜停則斯地也可以命東山之屐可以賭別墅之枰可

以泊赤壁之棹可以奏流水之聲可以張筆陣列酒兵  
嗟乎世不常治險不在地有德則依無德則棄獨不觀  
於函谷之故事乎以贗馭而踣秦鹿以衰博而興漢龍  
信地利之易失而人和為難攻是故善守者壯干城於  
仁義坐樽俎而折衝不鎖鑰而固不保障而雄客有度  
闕而傷於衷者歌曰洪濤激兮古木重雲霞深兮瘴癘  
空安得泰寧兮齊昊穹西出兮豈無老氏東還兮誰識  
終童

荊湖山川人物賦

有序

明韓楊

賦者敷布其義而宣敷其事也荊湖為南土鉅藩山川  
遐曠民物衆多欲以寡陋敷而敷之未免挂一漏萬特  
錄以附門人暇日觀荊湖山川人物之槩庶知其一二  
君子見之幸毋誚焉辭曰

海內名藩江南列府按禹貢以為荆書春秋而曰楚疆  
連百粵之區界接三吳之土拱京師以通貢獻之衢鄰  
黔蜀而居要衝之所編氓之戶口衆多商旅之舟車旁

午人材盛於我朝物產饒於前古試姑陳其一二曾不  
揣乎愚魯若言夫州郡之名稱兮長沙間於衡岳興國  
隸於武昌蘄黃來漢沔之水德安往隨郢之方澧州舊  
屬夫常德均州今轄乎襄陽荆南通辰沅之域寶慶接  
道永之疆桂陽鄰於郴壤靖州抵於武岡歸州處夷陵  
之上荆門依南郡之傍沿革不一建置靡常遺基故跡  
未暇悉詳以言夫山之衆也望兮則前巖後岫之靡窮  
數兮則疊嶂層巒之無盡八面兮崔嵬五嶺兮高峻幕

阜兮千尋風門兮百仞三十六洞兮幽且深七十二峰  
兮遠而近余獨尊乎南嶽之衡山兮乃一方秀氣之鍾  
孕邀泰岱以齊封兮拉會稽而為鎮以言夫山之所藏  
土之所產也穀兮則有稻粱秔秫之粢黍稷粟麻之味  
麥有蕎來小大之殊豆有黃紅藁黑之異公倉賴之而  
充民食資之以備蔬兮則有瓜茄蔥韭蒜薤芥薑松甜  
蘆菹兮宜食菠稜萵苣兮可嘗又有絲繇之帛芋葛之  
布可以用於暑炎可以禦夫寒沍木兮則有楠樟槐柳

松柏椿桐桑榆梓漆楮柘檀棕楸杉檜棘櫟柏楮楓冬  
青白楊用各不同可以制器可以為宮竹兮則有貓箠  
慈苦之名青白紫斑之色笛箭水蘄用皆有益果兮則  
有梨栗棗柿李杏桃梅葡萄兮秋熟盧橘兮冬開芡菱  
蓮藕兮湖池可時石榴橙橘兮苑囿宜栽可以薦於郊  
廟可以侑夫樽罍藥兮則白朮桔梗柴胡香薷烏藥山  
豆黃芩地榆細辛枳殼葶藶茱萸雲母之石仙靈之皮  
亦有黃柏金櫻紫蘇蒼耳桑白朮花麻黃枸杞木賊牽

牛荊芥白芷厚朴菖蒲門冬附子瓜蒌茵陳貝母薏苡  
野葛之根山梔之子及有菰蔞芍藥半夏南星糖毬白  
芡薯蕷黃精沙蔴紫苑地膚決明五茄通草百合茯苓  
楮槐之實金銀之藤夏艾之葉秋菊之英可以衛生而  
濟世可以益壽而延齡花兮則有牡丹芍藥薝蔔薔薇  
鹿蔥罌粟瑞香蜀葵海棠石竹山茶木樨水仙月桂迎  
春茶蘼金燈無葉紫荊有枝鳳仙呈瑞玉簪獻奇春蘭  
馥馥秋蕙翻翻雞冠與芙蓉共景菊華偕木槿同時以

言其禽之類分則有鷹鸇鳩鵲山鵲竹雞鷓鴣鷓鴣鷓鴣  
鳩子規黃頭秀眼白頰畫眉山雞夜叫野雉朝飛白鷗  
草宿紅鵝樹棲鷓鴣百舌逢春則啼桑扈布穀其鳴夏  
時鷓鴣伯勞人皆惡之以言其獸之類分則有牛羊犬  
豕馬鹿騾驢獐鹿猴兔虎豹熊羆猿豺獾獺貍狐狸  
或祭其肉或貢其皮以言夫水之多兮江湖河港溪澤  
潭塘初焉脈脈已而湯湯三湘來洞庭之右七澤出漢  
沔之陽衆溪分九江之派諸汭繞三澨之邦或石多而







憤兮形於騷辭黃文強之孝道兮出乎天性囊螢夜讀  
兮武子之車泣筍冬生兮恭武之孟至於名宦兮若山  
甫有樊國之封蕭何有鄼侯之命又若仲謀之將佐多  
才孟德之奸雄莫競故魯肅次伏江之兵而周瑜司赤  
壁之柄羊鉅平墮淚之碑尚存杜鎮南沈潭之石堪並  
陶荊州運甓之勞庾開府登樓之興往事紛紜率爾難  
罄姑以近代而言唐宋諸賢尤勝其道學兮則有程朱  
宗周子之淵源其文章兮則有李杜偕韓公之題詠岳

麓書泰和之名浯溪勒次山之姓宋郊聞蟻渡之徵馮  
京著馬涼之應迨我皇朝益隆愈盛茹少保忠誠之封  
允宜劉翰林文學之任尤稱德行政事兮湘陰之夏公  
忠靖文章功業兮石首之楊公文定餘則任臺閣兮有  
拾遺補袞之才居藩臬兮有致君澤民之政或由經術  
而登科或以才德而應聘達士偉人前輝後映仰惟吾  
皇之憂勤兮賞罰一出於正尚慮是方所任之非才兮  
猶博詢而廣聽其命官也於藩憲兮則舉夫廉公厚重

之臣僚於郡縣兮則擇夫循良愷悌之守令仁恩洽乎  
人心兮禮樂陶乎民性是故溪獐帖帖以輸誠峒獠蹲  
蹲而致敬山林之鳥獸無驚江海之風濤以靜家家全  
事育之懽處處樂昇平之慶伊欲究其所由實有賴夫  
廟堂柱石諸賢以佐吾天子之神聖

張秋賦

明楊守陳

駕餘艍以南邁兮經齊魯之故疆何石堤之歸吾目兮  
夢千里之垂楊顧僕夫以咨問兮曰充郡之張秋曩河

決於此兮奔滄溟而橫流漫黍稷之方疇兮奄千頃為  
一壑渺風濤其洶欵兮扑虬龍而舞蛟鱗民居蕩析兮  
舟楫沈淪嗟彼河伯兮一何不仁貪婪百川兮吸濟沈  
而吞汴漕渠寢涸而將涸兮僅涓涓其如綫萬艘鱗集  
以櫛比兮悉膠杯於坳堂壅萬國之經絡兮撫兩京而  
搯其吭堯以潯水為警兮咨伯禹其焉在共與鯀而相  
承兮幾精衛之填海捷石菑之鉅萬兮付一髮於燭燼  
役夫續其荷鍤兮倏皆化而為魚河與歲而偕逝兮公

與私其同寔日簞笥招克以慰民於流亡兮有心人其  
誰忍幸河流之他徙兮築斯堤其若壙乃售偽以叨榮  
兮自詫纂禹之神功若強敵之負固兮師老才殫而弗  
克俄大醜之自殞兮溢刑誅以為惡嗟彼偽之一售兮  
志淫淫其益逞再售而邦其殆喪兮卒自歸於陷阱歎  
世時之每下兮紛售偽其日繁戮懷中之赤子兮謂窮  
狄而平蠻朝捷書之方奏兮夕羽檄之已翔曾不若張  
秋之一築兮歸至今其猶罔吾恐衆偽之滋售兮將百

叱之並罹羣蟻穴其不塞兮潰千仞之長堤倚危橋以  
曾思兮涕潛潛其若霰顧四海之在念兮於張秋乎奚  
歎

金橋賦有序

唐潘炎

金橋在上黨南二里常有童謠云聖人執節渡金橋景  
龍三年十月二十五日帝經此橋之京師賦曰

沔彼流水兮清且漣漪度木為梁兮於焉在斯成金橋  
之巨麗得鐵鎖之宏規當其受以金模觀其曲面經始



也則大火朝流成功焉乃天根夕見彰於聖德發彼謳  
歌千人唱萬人和丹腹蜿蜒倚晴空之蟠螭瑰材櫛比  
超渡海之鼃鼃人且告符功惟用壯非填鵲之可比法  
牽牛而為狀鶴鳴陰處雁覆晴川昇東明擊水而投步  
匪秦帝驅山而著鞭惟彼童謠兮言猶在耳大人應運  
兮奉天而起乘彼橋以徑度按周道以如砥於是提三  
尺乘六龍懷萬邦入九重

躋雲橋賦

明 滕陽王

滕子舊封漢蕃故治世家見遺於遷史山川僅存於班  
志合鄉薛以拓疆介徐兗而建置地分兩都之中路總  
八省之會雉堞翼翼以北拱諸水泱泱而西逝瞻彼梁  
溪帶我城陬爰有石杠跨彼洪流雖習坎於春冬每盛  
漲於伏秋水之汪也如歸乎巨壑橋之隘也若扼其咽  
喉衝激則傾柱而裂石汎濫亦沈陸以浮丘膠行李於  
泥塗阻賓客於置郵苟津梁之不設誠遠道之無由賢  
者經營兮歲維敦牂命五丁使開山兮輓牽牛使服箱

藉鞭策於神人兮法精鍊於媧皇伏靈龜以負砥兮比  
龜鼉而架梁虹影穹窿以曲抱兮龍勢蜿蜒而橫僵象  
支機而列表兮擬霞標而建坊當其晨光初開煙霏未  
散遠而望之似吳門之曳匹練至其皓月既升星河俱  
粲俯而視之類閭道之絕銀漢白獺深穴而莫嗥蒼蛟  
被創而下竄秋水時至濁潦灌川輒磐涌裔潏汨潺湲  
如振如怒乍却乍前莫不按疏門而分浪修虛窟以輸  
湍其奮迅騰沓如秦師襲鄭超乘而過成周其清升踰

跣如漢軍擊楚東馬而度重關故夫天子開明堂而受  
計方嶽首燕路以趨塵車馬輶殷以奔雷冠蓋縹緲而  
承雲公車才子揮彩毫而題柱建節使者駕赤駟以迴  
輪逐臣去國愛子從軍披塵襟兮傷遠道舉征袂兮泣  
羅裙又如妖麗名姝游閒公子高堰曲堤清明上巳度  
金羈褰羅綺泛霞觴寒芳芷長袖嫋嫋以覆欄靚妝盈  
盈而照水別有至人沖漠達士恢奇或冥搜以獨往或  
因教而赴期忽成仙而化遼鶴亦受書而為帝師仰孔

氏之化育悟莊叟之玄機觀鯨魚之遊樂翫雌雉之得  
時嗟夫悲歡異情靜躁殊向利用皆然信美難狀斗子  
殊沿於俗傳躋雲略名其想像非夫濟巨川之才安得  
致青雲之上看世路之坎壈孰有若斯塗之坦蕩者乎

御定歷代賦彙補遺卷六